

周

禮

輯

義

周禮卷之七

姜兆錫疏

夏官司馬第四

夏官稱司馬者以車馬甲兵所司故也。唐虞時不詳其官。帝舜命九官所稱總吏治夏。夏賦奸

先者特命皋陶爲士兼之而已。夏命胤侯掌六師。胤稱其命爲司馬亦無所攷。殷稱司馬爲斯父以其掌圻疆故名。酒誥斯父薄遊是也。曾氏謂虞以二官兼兵刑。刑則於分爲夏。秋二官蓋帝王之隨時制宜如此。餘見天官。

夏官司馬總序

此大言王者設官分職以立夏官。司馬之意乃第四官之總序也。

惟王建國辨方正位。經國經野。設官分職。以爲民極。乃立夏官司

馬。佾帥其屬而掌邦政。以佐王平邦。國

邦政節六典之政。典政之言正。所以正不正也。平猶

正也。書周官云。司馬掌邦政。統六師。平邦。國。○東萊呂氏曰。國事莫非政。獨戎政。謂之政。何也。天下無事。寓兵於農。然後賦役正。而百爲得有所施。是政所從出也。有事則舉兵討亂。邦之安危係焉。政孰大於此哉。統六師而謂之平邦。國者。王師非以濟貧。忿特欲平邦。國之不平者。耳。所謂天討也。愚按。大爲政。小爲專。政官對專官而言。猶治對教而言。禮對刑而言。與

夏官司馬序官

此以下承上文序夏官設官之數也

政官之屬大司馬卿一人小司馬中大夫二人軍司馬下大夫四

人與司馬上士八人行司馬中士十有六人旅下士三十有二人

府六人史十有六人胥三十有二人徒三百有二十人

行音杭○更稱政官

責承夏官掌邦政而言也司馬稱大者掌建政法總凡衆驅賦役
征討之屬故名大司馬而爲政官之長小司馬以下職闕說見序
職○職目自大司馬卿一人至府六人其數與諸官並同自史以
下諸官皆史十二人胥十二人徒百有二十人獨此史胥徒各多
者以司馬總六軍軍事嚴故也又諸官於宰夫卿師肆師各下大
夫之下皆云上士中士而已官無他稱此軍司馬下大夫之下稱
與司馬上士行司馬中士及秩官士師下大夫之下稱卿士上士者亦重兵與刑也凡制軍萬有二千五百

人爲軍王六軍大國三軍次國二軍小國一軍軍將皆命卿二千

有五百人爲師師帥皆中大夫五百人爲旅旅帥皆下大夫百人

爲卒長皆上士二十五人爲兩兩司馬皆中士五人爲伍伍皆

有長一軍則二府六史得十人徒百人

將帥並去聲長上聲○萬二千五百人爲軍猶言萬

二千五百家爲鄉若遂也凡起徒役家一人軍之人數如其家矣

其下二千五百人爲師猶二千五百家爲州若縣五百人爲旅猶

五百家爲黨若鄰百人爲卒猶百家爲族若閭二十五人爲兩猶

二十五家爲閭若里五人爲伍猶五家爲比若鄰凡所謂寓兵於

農也軍將皆命鄉者謂王朝凡所命之鄉侯國命於王與凡命於

其君之鄉皆爲軍將也鄉仰上大夫故其中大夫皆爲師帥下大

夫皆爲旅帥而上中下士皆爲卒長兩司馬伍長矣云卒長皆上

士兩司馬皆中士而獨不云伍長皆下士者其殆省文與○盱江
李氏曰此六鄉爲六軍也六遂爲六鄉共十有二軍而止稱六軍
何也蓋六鄉爲正六遂爲副迭用之則當六軍耳此制軍之法也
黃氏曰凡制軍謂有征伐則制之縣師所謂受法於司馬以作其
衆庶是也平時鄉遂各爲一軍而都鄙不與及制軍或取於鄉或
取於遂或取於都鄙或徵於諸侯所謂及師大合軍是也司農曰
詩大雅云六師及之又云整我六師此王六軍也春秋傳云成國
不過半天子之軍周爲六軍大侯三軍可也此大國三軍也又云
王使虢公命盂沃伯以一軍爲晉侯此小國一軍也李氏曰先王

足兵而未嘗有兵後世有兵而未嘗足兵士不特選皆吾民也將不改制卽吾吏也有事則驅之行陣事已則歸於田野無招收之煩而穀不闕無廢給之費而食自飽故曰先王足兵而未嘗有兵壘壁以聚之倉廩以生之羣眠類坐而不使補死填亡之不暇故曰後世有兵而未嘗足兵也葉氏曰大司馬制六軍則兵屬大司馬矣至軍旅大事則五官之卿與有事焉兵無專將將無專權也國子宿衛之士則屬之家宰虎賁宿衛之兵則屬之司馬師保四翟之隸既屬之司徒又屬之司寇至國有大事國子游倅雖屬於司馬之諸子而又弗征於司馬此衛兵之權散出也鄉遂之民皆軍也則屬之司徒四時之田皆兵也則屬之司馬縣師司徒之屬而軍戒則受於司馬鄉師帥民徒而治政令受役要又必考辟於司空此畿兵之權散出也夫古制寓兵於農木無兵之可統寓將於鄉本無將之可名又况兵權散出不屬一人有事調兵則遣使一牙璋發之權又屬於天子乎是以兵滿中外而居然若無也迨及後世司馬世官爰以命氏馴至諸侯更霸列國專征世鄉帥陲大夫藏甲孔子作春秋此書帥師護權臣也聚民爲兵則兵情衆兵專將則將驕唐人府兵號得井田大意然井田寓兵於農府兵寓農於兵其意已異而此兵有定額將有定員更番再世能無患情且驕與府兵且爵而况不爲府兵者哉愚按軍將皆命鄉則王朝六官之命鄉大國之三命鄉次國二命鄉小國一命鄉凡軍將

各如其命卿之數無庸選矣而註乃云軍帥選於六官及六卿之吏自卿以下德任者使爲焉何也蓋軍有盡用不盡用師又有能有不能而困於中選爲之與

司勳上士二人下士四人府二人史四人胥二人徒二十人勳功也主

賞功故名其官也司馬諸官以下卽次此者軍以賞爲先也以下五職未詳官次所屬或曰司勳以召人和盡人以度地利司馬以應天時馬質小子軍人比以備物用也

馬質中士二人府一人史二人賈四人徒八人賈音古下同○賈

而賈之故名官也不與按人相連而次於前者軍以馬重馬以軍重故本官以中士統之而按人雖下大夫此猶得以有司之義治之也役不用胥而用賈亦以質馬也

量人下士二人府一人史四人徒八人量人掌凡所量之事而量

而亦次於前也

小子下士二人史一人徒八人

掌凡小祀之牲故名官而置軍器及斬牲狗陳之屬亦職之重故次

於前也

羊人下士二人史一人買二人徒八人

掌羊牲故名官而受布於司馬以買牲故不用胥而

用買翁馬質然也六牲分掌於諸官如司徒牛宗伯雞司馬馬司冠犬司空豕是也而司徒之屬有牛人宗伯之屬有雞人司冠之屬有犬人皆各以所屬隸之獨司馬奉詔馬牲其屬有馬質又有羊人者蓋冢宰總贊牲事無分牲六牲之中餘羊牲無分掌之官而司馬奉詔馬牲其屬爲贊故附之司馬與其羊牲亦小子羊人登而羞之於司馬之職相屬而不相干也

司燿下士二人徒六人

燿音買故書燿爲燿杜氏讀爲燿燿杜謂之私火者對陶冶之屬爲公火而言鄭

謂之熟火者對司烜氏以燧取於日中爲冷火而言其職總掌行火之政令而燿爲主故名官也疏謂司烜取金義故在秋官司燿取火義故在夏官或謂軍重火攻之法故亦次於前而總其文以政慎也止有徒而無府史與胥者無收藏亦無所用智謀矣後凡無府史與胥者並倣此

掌固上士二人下士八人府二人史四人胥四人徒四十人

掌城郭之

固故名其官而爲諸守官之長也司鐘之下次此三職於候人三職之前者王者申畫郊圻慎固封守以康四海而軍政本之此三職乃大司馬九法安守平則之意而候人三職則制軍詰禁之意也餘見各職

司險中士二人下士四人史二人徒四十人

掌山谿之險故名其官也

掌柙中士八人史四人胥十有六人徒百有六十人

掌封疆之界故名其官也

徒多者事繁也下放此○王氏曰掌固以下諸職不列地官而屬司馬且不統於職方而特專一職者蓋司馬統軍旅而要害之地皆攻守之大計也險固皆有守職而掌柙候人之屬亦不遺焉則疆圉無空虛之患矣古之邊備嚴矣

候人上士六人下士十有二人史六人徒百有二十人

各掌其方之道治與

其禁令以設候人之役故因役以名官職末又帥致方治之人而送之蓋制軍詰禁之中而具比小事大之意也

環人下士六人史二人徒十有二人

環舊謂郤也以勇力郤敵也今按秋官亦有環人爲環巡

之義與此職環四方之故忠邦國之屬其義正同但一言賓客一言軍旅則異耳故各以名其官也訓御茲爲掌合

望壺氏下士六人史二人徒十有二人

望壺表也望壺壺以令軍井望壺以令舍望壺以令

禮之屬故名官也稱氏蓋或世其業與下倣此

射人下大夫二人上士四人下士八人府二人史四人胥二人徒

二十人

射人主射其下凡講射獵之用制殺生之宜者皆屬焉故名其官而弧矢之設以威天下乃制軍詰禁之事故次諸

禮樂征伐非截然二物與故見道者審諸此也然本職先以設儀辨位之事者蓋亦以見

服不氏下士一人徒四人

以其能服不服之職故名官也此下多不備役者事畧也

射鳥氏下士一人徒四人

以射鳥名其官也

羅氏下士一人徒八人

羅謂羅鳥故亦名其官也郊特牲稱大羅氏者蓋天子對諸侯之詞

掌畜下士二人史二人胥二人徒二十人

畜亦謂畜鳥鳥羅之而或畜之故亦名其官也

司士下大夫二人中士六人下士十有二人府二人史四人胥四

人徒四十人

其職掌羣臣之版以治其政令蓋通公孤卿大夫士而言也而其入版皆自士始故推本以名其官射人

諸職之下次以司士諸子之屬者設儀辨位於是而終而進賢與功於是而始知乎此則在朝賢能各得其位而在道扈從各得其人矣此蓋制軍詰禁之所從出而政典之要也

諸子下大夫二人中士四人府二人史二人胥二人徒二十人

諸

也謂公卿大夫元士之衆子本職所謂國子之倅是也掌其治教之屬故名官也

司右士士二人中士四人府四人史四人胥八人徒八十人

右謂居車

右爲駟乘如戎右道右之類是也掌之故名其官斷止上士而居虎賁氏下大夫之前者以爲王駟乘故也此以下蓋因賢能之得位而及扈從之得人矣

虎賁氏下大夫二人中士十有二人府二人史八人胥八人徒

士八百人也虎士八百人侍王爲衛六軍而外禁衛親兵惟此而已不稱徒而稱虎士蓋義勇之選也

旅賁氏中士二人下士十有六人史二人徒八人旅衆也掌率僚屬之衆左右以

衛王故名

旅賁氏

節服氏下士八人徒四人名官未詳或曰節之言制掌以其節服王之服建王之旗從尸之車故名也○

註曰名節服氏者世爲王節所衣服也明齋王氏曰春官司服於王吉凶之服詳矣而夏官又設此官何也春官主禮掌其制度與夫收藏供奉故司服秩尊員少而有府若史夏官典輿服法駕王侍御於王故節服氏秩卑員多不設役專掌爲王服之而已蓋王中心無爲凡其厚薄加減之節與應用之服應服之時

皆掌於此官也愚按二說近之而未盡協詳見序職

方相氏狂夫四人相去聲註作上聲○名方相氏者註謂方相猶言放想可畏飾之貌也王氏謂其相視攻疫者

非一方月令大儺謂之旁磔此也按二說不同王說近之雖古禮而近於戲故其名爲狂夫而不言儺且本職帥百隸而時儺

官司糾供之故亦不言其徒役矣。諸職之後又次以此者。其執戈
也。將虎賁以下趨執戈盾之事。而大喪先薦亦平時備。鬼從以
爲衛之意也。

大僕下大夫二人。小臣上士四人。祭僕中士六人。御僕下士十有

二人。府二人。史四人。胥二人。徒二十人。大僕之大音泰。○凡稱僕

服法命令之類以爲之長故名也。其小臣掌小命小法儀之類。祭
僕掌受命視祭之類。御僕亦掌復逆燕令之類。職各相佐故皆別
職。同署小臣不稱僕。臣亦僕也。御僕御稱御職尤近也。次諸此者
以下六職亦設儀辨位之意。而正位凝命正其身以正天下之不
正。尤效取曲者所以探其本也。○東萊呂氏曰。陪僕替御之臣。後
世視爲賤品。不知人主朝夕與居。氣體移養。極必由之。不潛消默
奪於真。真而明爭顯諫於昭昭。抑未矣。穆王用伯冏爲大僕。正特
作命書。而以朝夕承弼望之。其曰慎簡乃僚。無以巧言令色便僻
側媚其惟吉士。則命一伯冏而羣僕侍從。無待親擇矣。此爲治之
體也。此心不縱。造父爲御。周遊天下。將必有車轍馬迹。道其侈者
果不出僕衡。不知伯冏猶在職否也。穆王豫知所戒。憂
思深長。猶不免躬蹈其失。人心縱舍無常。若此。可懼哉。

隸僕下士二人府一人史二人胥四人徒四十人

稱隸僕者掌廟寢掃除之屬故

也名

弁師下士二人工四人史二人徒四人

稱弁師者掌上卜弁冕之屬故名也與上職相次者

蓋宮廟之清嚴冠冕之雍肅皆正服位之意故與或曰此職與天官夏采錯簡弁師與追師之屬相連而夏采復於太祖四郊又與祭僕復於小廟隸僕

復於小寢相連也

司甲下大夫二人中士八人府四人史八人胥八人徒八十人

今甲

之鏡也古用皮謂之甲今用金謂之鏡掌之故名也此下六職乃大司馬制軍詰禁所用器械之需故次諸此而司甲獨尊爲階官之長者蓋先自保而後攻人之意也

司兵中士四人府二人史四人胥二人徒二十人

兵謂五兵之屬亦掌之故名也

其兼掌五盾者亦先自保之意與

司戈盾下士二人府一人史二人徒四人

掌戈盾之物故名也。

司弓矢下大夫二人中士八人府四人史八人胥八人徒八十人

掌弓弩矢箠之類故名也。府員役並與司甲同者司甲特其體先之而已。此亦自爲繕人。寮人諸職之長也。

繕人上士二人下士四人府一人史二人胥二人徒二十人

繕之言善

也。掌弓弩矢箠之類其善辨爲任用者故名也。

橐人中士四人府二人史四人胥二人徒二十人

橐音獨。○名橐人未詳。鄭司農

曰箭幹謂之橐。王氏曰木乾曰橐。弓一歲莫體亦歲受成。乾久而後用。故謂之橐也。按其職掌受財以齎弓弩矢箠之工。則橐蓋物料乾善之通稱。而造弓矢尤以乾爲善。故以名其官。木職所謂獻素者此也。

戎有中大夫二人上士二人

戎謂戎車也。五路革路以卽戎是也。右卽司右之右。戎右齊右道右之屬。

掌居右。駟乘故名。戎右視諸右員倍者兼爲兵使也。諸右皆不言府史胥徒。司右職其總署也。不列司右之下者。司右爵卑。非其所

儀儀式論此也○疏曰凡戎車御居左餘車皆尊者居左
御居中而其勇力之士則皆居右也此戎右也而註云田獵亦爲
之右何也按申車王路有五木路以田此不載田路之右以田戎
和類故相兼也申車王路居前戎路在後此戎右在前且爵御尊
於諸右何也夏官尚威武故尊而居前也雜說曰諸右自戎右而
外諸馭僕自戎僕而外皆隸於司馬者凡
車馬之政在國猶在車一統以師律也

齊右下大夫二人

齊側皆反下同○齊謂齊車也五路王路以祭

祭故並名齊也○註曰古者王將朝親會同必齊所以敬宗廟及
神明也疏曰按曲禮註春夏之朝受贊於朝受享於廟秋冬之觀
贊享一受於廟是朝觀敬宗廟也又按觀禮及司儀會同時設方
明於壇上設六玉以禮之是會同敬神明也愚按註疏得之但其
謂春夏受贊於朝則歷攷諸經

文皆非耳詳見秋官大行人

道有上士二人

道謂道車也五路象路以視朝疏謂朝以行道故

道右獨不兼而其事次

於齊戎故爵較卑也

大馭中大夫二人

大馭之大言奉○馭亦僕也諸右祭與賓爲兼職氏與田亦如之而諸僕皆分職者僕雖於右

也馭王路以祭職最尊故不與戎僕以下同名僕而稱名大馭且諸右以力相尙故戎右獨居諸右之上若諸僕則馭僕之而已故以禮相次而退戎僕於後獨進大馭於前也諸僕馭亦不言府史胥徒者總署在校人也列校人之前者校人但宣理之耳非諸屬

比也

戎僕中大夫二人

軍御革車以印戎故名戎僕大馭之外仍首戎僕者亦尙城武之意也○仲王氏曰戎僕與

大馭皆中大夫者重戎也

不得皆稱馭者重祭也

齊僕下大夫二人

以齊右職推之則齊僕亦應兼掌賓祭而大馭已掌馭王路以祭矣故此獨馭舍路以賓而各

齊僕也

道僕上士十有二人

掌馭象路以朝故名道僕也道僕及田僕視諸僕官獨多者亦君道右職不兼之意也朝

車朝夕駕周爲繁而田車時田而外兼復巡行縣鄙故皆十有二人以更代也

田僕上士十有二人

掌馭木路以田故名田僕也。○按按人職人圍師遯馬以至馭夫各序其官職而馭夫

以上之僕夫則序官序職無明文而註疏因疑其職闕而慮其爵

之爲上士今攷大馭暨戎僕齊僕道僕田僕爲五僕與馭夫連列

則五僕卽僕夫其明且僕夫乃授人職所有之官職不得獨闕而

五僕若爲授人職所無之官職又何至獨增乎其祭不稱祭僕而

稱大馭者以祭事爲大故變其文其皆爲僕夫又甚明也然則按

人職每物二廢廢一僕夫止應每物僕夫各二人且職居馭夫中

士之上則爵應爲上士不應有中下大夫也而諸馭僕或數符而

爵太尊或爵合而數太浮何耶曰註疏疑僕夫爲上士是固不免

於隱比五僕二爲上士一爲下大夫二爲中大夫自卑而尊爲正

相次安在其必爲上士也按人統繫於馬其權重故掌十二廢而

爲中大夫二右五僕侍御於上其體尊故僕夫掌一廢而或爲中

大夫或爲下大夫况道田二僕以職煩而數浮祭戎官三僕以地

尊而爵貴義各有當也信漢註何如信

聖經而李謂其官職闕而應之也何哉

馭夫中士二十人下士四十人

馭亦僕也以掌馭車從車使車之

夫也官多至六十人者車衆非多員不給且按人職良馬三乘爲

阜阜一趨馬三阜爲繫繫一馭夫則良馬三十六匹當一馭夫而

是計良馬五物凡二千一百六十四當六十馭夫故設官如其數也然良馬而外駑馬六體一師六師一趣馬六趣馬一馭夫則然馬四百三十二匹當一馭夫而通計駑馬一物三良馬之數凡一千二百九十六匹當三馭夫今止稱六十人而不及三人者蓋馬不供五路之駕卽諸路之駑從亦不及馭故畧而不言與

按人中大夫二人上士四人下士十有六人府四人史八人胥八

人徒八十人按音教○掌凡王馬之政爲趣馬以下諸官之長故官尊而員役亦多也按之言校也校觀其馬之美惡

肥瘠故名官一云用木相交爲門限以制馬之出入故謂之校也此下七職乃大司馬制軍諸禁所用畜牧之實故次諸此

趣馬下士阜一人徒四人趣湊上聲阜音阜○掌贊正良馬而齊其飲食簡其六節故名官詩豳維趣馬

是也

巫馬下士二人醫四人府一人史二人賈二人徒二十人巫卽巫祝之巫

其下兼有醫與賈者馬有祟巫祭而祭之馬有病醫藥而療之馬或死賈度而粥之也然其職言醫言賈而不言巫者馬有疾必其

無宗而後施醫雖不言巫巫在其中矣且先牧馬社馬祖之祭故
或曰鬼神視民義殊矣惑於不可知而不專力於所當然可乎曰
聖人之法本末具舉其於鬼神亦正其恬溺而已若周官巫馬皆
詩既伯既禱之意耳非所廢也明有禮樂
祿有鬼神一也會聖人乃矯而過之哉

牧師下士四人胥四人徒四十人

掌牧馬而蕃息之者故名也名師者蓋圉師爲圉人師而牧師

又爲之師與

廋人下士閑二人史二人徒二十人

廋所求切○名官未詳舊謂

馬所隱也或又謂廋與廋相似誤文也今按首說殊不可解後二
說爲近蓋技人職六廢成技按有左右凡十有二廢廢爲一閑以
爲馬所依倚而其職掌上有二閑之政故名官而每閑二人也上
三職技人職無其名而亦次於此者論掌馬之數則技人職自圉
人圉師趣馬以至馭僕皆以數相乘而三職不在相乘之數故僕
馭列於技人序職之中而三職獨無名若論牧馬之事則三職亦
職於養而僕馭則養馭之而已故三職雜
於技人馬馭諸職之中而馭僕獨在前也

圉師乘一人徒二人散於野曰牧息於室曰圉圉卽廐房也一曰

馬爲麗圉師掌牧圉人養馬故名圉師也

圉人良馬匹一人駑馬麗一人良善駑惡也居圉師之下掌養諸

其上圉師應馬馭夫之屬止據良馬而言者蓋以駑馬畧之與無徒役者自爲之也

職方氏中大夫四人下大夫八人中士十有六人府四人史十有

六人胥十有六人徒百有六十六人方謂九畿之方也掌以地制九

畿故名職方而爲土方以下十一官之長且本職中該大司馬制圉師國建牧設監施職分貢三者之法而其下陳方合方訓方匡人擇人諸職又兼事大比小之法之意政典莫備於此故最尊而員亦多也○釋說曰量人掌圉司險及職方氏土方懷方合方形方山師川師此一項官與司徒二虞二衛土訓誦訓頌相關宜屬地官而今乃屬夏官者司馬職主諸侯此以下皆邦國之事所以不屬司徒也山林川澤之官司徒乃會其財物而已愚按大司馬掌九伐之法而謂之主諸侯者征伐所以正諸侯之不正也易云

豫利建侯以正其始行師以正其終故
職方以下次於夏官之末以善始爲善終之道也

土方氏上士五人下士十人府二人史五人胥五人徒五十人

地曰土掌上地相宅而

建邦國都鄙故名也

懷方氏中士八人府四人史四人胥四人徒四十人

懷來也掌來

遠方之民致

合方氏中士八人府四人史四人胥四人徒四十人

掌合同四方

之財物與其

訓方氏中士四人府四人史四人胥四人徒四十人

訓道也掌以

道其君以及其

形方氏中士四人府四人史四人胥四人徒四十人

形謂地域之

形勢掌正四

方邦國之形成以
此其小大故名也

山師中士二人下士四人府二人史四人胥四人徒四十人掌辨

之名物與其利害而頒之邦國者故名也王制名山大澤
不以封故立官掌之地官虞衡諸職皆往營此則遠領也

川師中士二人下士四人府二人史四人胥四人徒四十人川師

於山林故名也
川澤歸山師之

邊師中士四人下士八人府四人史八人胥八人徒八十人邊原

掌四方之原隰各物
以贊封邑者故名也

匡人中士四人史四人徒八人匡正也掌以法則

擯人中士四人史四人徒八人擯探同○掌探上德意與其
政事以論曉衆心者故名也

都司馬每都上士二人中士四人下士八人府二人史八人胥八

人徒八十人。都家司馬猶都家宗人以掌其士庶子衆庶甲兵之屬故名都家司馬也職方諸官之後次此者因邦國而及都家之義也。

家司馬各使其臣以正於公司馬。名官見上各使其臣以正於公

序官正文家司馬亦如之句又誤在序職蓋互錯也家司馬亦如之者其官若役猶都司馬之數每家上中下士各若干府史胥徒各若干也各使其臣以正於公司馬者其職亦猶都司馬之職但都司馬掌其兵馬與政學以聽於國司馬而家司馬則各使其臣以正於公司馬也此其序官片職義以類從亦瞭然矣况家司馬亦如之句若在序職則是其職亦如都司馬之掌其兵馬與政學以聽於國司馬也而此序官乃又云各使其臣以正於公司馬是彼此矛盾豈字句之小說而已哉且春夏秋諸官皆置王官於都家者禮樂征伐自天子出之意也兵視禮刑爲較重而註乃謂家司馬使其臣而不設王官是又悖也攷春官家宗人序官云如都宗人之數則其放乎都以爲官役之數例尤其明而秋官家士序官直云家士亦如之則其文亦若合符也與籍士散宜加體玩向豈未之及與

餘詳序職

夏官司馬序職上

此以下又承上文序夏官分職之事也

大司馬之職掌建邦國之九法以佐王平邦國制畿封國以正邦國設儀辨位以等邦國進賢興功以作邦國建牧立監以維邦國制軍詰禁以糾邦國施貢分職以任邦國簡稽鄉民以用邦國均

守平則以安邦國比小事大以和邦國

監平聲守去聲比音避○此首序大司馬卿一人之

職也邦國通王侯而言疏謂九法以施於侯國爲主也平正也畿謂畿甸封謂封土儀卽大行人之九儀禁卽士師之五禁職卽大宰之九職守謂要害之守地則謂備戒之法則制九服五等之儀疆而封其國界則上地正也設五命四爵之儀節而辨其位叙則名分等也賢行者進功績者興以鼓作之建牧爲長立監爲理以綱維之也制其軍伍詰其禁犯以糾戒之貢各以產職各以能以任用之也簡民之強弱稽數之衆寡而衆可用均要害之守平經理之則而邦可安大比小以恩小事大以禮而國皆和也此總言其建邦國之九法之大要也○康侯胡氏曰王制諸侯之爵次後先有序周官大司馬設儀辨位以等邦國天建地設不可亂也禮

制既亡。霸者以意之。何肯爲。升降諸國。以勢之強弱。相上下。如秦
奢先衛。忽以後。至下於陳。以利率人。而不愛諸禮。豈以定民志乎。
此春秋防微於名分也。王氏曰。進賢興功。若王制所謂有功。歸於
民者。加地進律。賢者進。則莫不懋德。功者興。則莫不懋功。而人由
此振作。詩所謂作人。此也要害之地。最其遠近。均而守之。與夫器
械財用。人民守之之法。務得其平。所以邦國安寧。而無外患。此掌
固司險之職。與註曰。比猶親也。使大國親小國。小國事大國。相合和也。易之比象。先王以建萬國。親諸侯是也。以九伐之
法正邦國。馮弱犯寡。則苛之。賊賢害民。則伐之。暴內陵外。則壇之。
野荒民散。則削之。負固不服。則侵之。賊殺其親。則正之。放弑其君。
則殘之。犯令陵政。則杜之。外內亂。烏獸行。則滅之。
馮。憑同。苛。所累反。壇。音善。行。去聲。○馮。魯乘陵也。犯。侵犯也。苛。猶人之膏瘦。謂殘其地而弱之也。賊。猶害也。伐。謂聲其罪而討之也。內。其下外。其鄰也。壇。如王霸記。置之空壇之。謂黜於野而更之也。荒。不治散不聚也。削。謂益滅地而小之也。固。險負恃也。大曰伐。小曰侵。謂姑輕師以加之也。賊。亦害也。無父。故正而責之。放。逐也。無君。故殘而夷之。陵。猶辱也。無法。故杜而絕之。亂。濫也。烏獸行。如聚麀然。無倫。故滅而殲之也。此

中上制軍詰禁之意。但上指五禁言其常。此據九伐言其變也。○
王氏曰：先王之時，其所封建者，莫非賢也。制治於未亂，保邦於未
危，思患而豫防之，故制爲九伐之法。世嘗試之，故設之。正月之吉，
使知警而已，非聰明齊知神武而不殺者，孰能與於斯。正月之吉，
始和布政於邦國都鄙，乃縣政象之法於象魏，使萬民觀政象，挾
日而斂之。

音見天官。○此總言政法之和布於始而因首
言布政於萬民也。政，卽政象之法。九法之屬。

乃以九

畿之籍，施邦國之政。職方千里曰國畿，其外方五百里曰甸畿，又
其外方五百里曰甸畿，又其外方五百里曰男畿，又其外方五百
里曰采畿，又其外方五百里曰衛畿，又其外方五百里曰蠻畿，又
其外方五百里曰夷畿，又其外方五百里曰鎮畿，又其外方五百
里曰藩畿。

此又承上文言布政於邦國也。不言都鄙者，國畿中包
之矣。畿，職方大行人皆謂之服。畿者言其正地界也。服

者言其服于事也。籍，謂書冊。政，職謂政法之職也。列畿方千里者，
不干里不足以待諸侯也。其外方五百里者，九卽五等諸侯之地。

職方氏封公以下是也。侯者侯也。取爲王守斥曠也。甸田也。取爲
 治田稅也。男之言任爲任職事也。采取也。爲擇財用也。衛爲扞外
 以衛內也。蠻者靡也。地近外蕃。靡擊之而已。以土六服爲九州。其
 外三服。總謂之蕃國。大行人云。九州之外。謂之蕃國。是也。夷謂俗
 多平易。鎮謂地須鎮守。蕃謂外爲藩籬也。九州之內。所謂疆以周
 索九州之外。所謂疆以戎索。此申上文制疆封國之事。以起施貢
 分職之端也。○註曰。畿猶限也。籍者其禮差之書也。政職者所共
 王政之職。謂賦稅也。疏曰。註云。九畿之籍爲禮差之書者。諸侯貢
 賦之職。多少有常。大司徒大國貢半。次國三之一。小國四之一。是
 其禮差也。以此所差之職。施於邦國。使民出賦稅於其侯。而侯以
 其差市取土毛而貢之。則禹貢。簡貢是也。薛氏曰。王制。謂四海之
 內九州。州方千里。孟子謂海內之地。方千里者。九此指禹貢。按服
 之內九州之地。縱橫各三千里而言也。若禹貢。甸侯。綏。要。荒。五服
 方五千里。則並言其總也。鄭氏謂周官於禹貢。五服之外。斥大九
 州之界。王畿與九服共爲萬里。自要以內方七千里。此謂周官之
 誤也。蓋禹貢言向周官言方也。按司馬職方。皆云其外方五百里
 云。方者合二向相去爲五百里。非一向有五百里也。通鑑。畿。甸。向
 之內。方五千里而已。此正與禹貢五服之數相當。周官。國。甸。卽禹
 貢之甸服也。其侯服。甸服。則禹貢之侯服。其男服。采服。則禹貢之
 綏服。其衛服。蠻服。則禹貢之要服。其夷服。鎮服。則禹貢之荒服。至

相符何也曰此非孟子考據王制之說而王制附會孟子之說也禹貢通要荒而總言五服之方五千里與孟子去要荒而但言綏服以內之方三千里皆非論周九州之界也自漢儒不究其本末依附以成王制而謬乃滋矣今攷孟子王制有程朱之論可嚴備嘗問孟子王制與周禮何以不同朱子答云此也程攷然畢竟周禮的是此論定於朱子者也王制多漢儒附會之文程子嘗論其擬拾煨燼之餘不足盡信此論定於程子者也孟子亦言諸侯去籍嘗聞其畧而已此又自言如此也學者由夏官大司馬與職方氏之文而參秋官大行人以定之則明周官九服九州之義而孟子王制亦可渙然而無疑矣凡令賦以地與民

制之土地食者參之二其民可用者家三人中地食者半其民可

用者二家五人下地食者參之一其民可用者家二人

參三同食即食稅

之食與大司徒其食者半司徒三之一食畧同蓋上中下之地皆有田有萊田皆食稅而萊無稅遂人職上地田百畝萊五十畝是食者三之二也中地田百畝萊百畝是食者半也下地田百畝萊二百畝是食者三之一也其民可用之數並見小司徒職地制舉遂人治遂之法而軍制舉小司徒治鄉之法蓋制本相合而互言之鄉遂之無殊制於此益見此及下四條言制賦以教職凡以明

苑貢分職及簡稽鄉民制軍詰禁各條之意也。○鄭司農曰：上地謂肥美田也，食者三之二，假令一家有三頃，歲種二頃，休其一頃，下地食者三之一，田薄惡者所休多也。黃氏曰：軍賦小司徒令之，大司馬又令者，小司徒掌民事，置於軍賦，大司馬掌兵，必審軍賦之所出，言凡自鄉遂達於都鄙，邦國交，鄭獨謂令邦國之賦非也。六鄉亦以地之蠶惡人之多寡授田，鄭獨謂如遂亦非也。劉氏曰：司徒周知其人民，可任用之數，凡起徒役毋過家一人，其餘爲美，惟田與道者，竭作此言，可用者家三人，至家二人止，竭作其美於國，非之也，皆以教之也。伍兩卒旅師軍之制，家一人爲正兵，六鄉六遂，凡有五萬人，爲十軍，而美卒在外，都鄙之兵，又在外，大司馬謂總其軍律以爲用，既習以出，復又試之，道者乃可以起六軍而行九伐也。聖人之精審如此，愚按上文言九畿冠以國畿，下文言教戰備言鄉遂縣鄙師都則其爲通令軍賦而非專以令邦國亦明矣。故黃氏劉氏之說是正舊註之誤。中春教振旅，司馬以旗致民，不列陳如戰之陳，辨鼓鐸鈎鏡之用，王執路鼓，諸侯執賁鼓，軍將執晉鼓，師帥執提，旅帥執鼙，卒長執鏡，兩司馬執鐸，公司馬執鈎，以教坐作進退疾徐疏數之節，遂以蒐田有

司表貉誓民鼓遂圍禁火弊獻禽以祭社

中仲同陳並去聲夏秋同賁一作獲將帥並去

聲長上聲教音朔貉碼同○深敬也麻旅舉重而言也託曰凡解

出日治兵入日振旅皆習戰也疏曰春以入兵爲名尙農事秋以

出兵爲名今嚴尙威也旗卽司常熊虎爲旗也致者召集其下而

戒令之也平猶正也列陳者列爲陳也鼓鉦鐃鼓人嚴以舞通

鼓以鐃節鼓以鐃止鼓是也路賁皆大也晉斜進也上侯所執以

大爲名將所執以進爲義凡執人爲執之也提亦鼓名有向柄提

而擊帶亦提類公司馬謂伍長也雖平猶號之矣春田曰蒐狩搜

也焚萊而搜之也項氏謂猶擇也春恐害物故擇而取之不殺胎

不妖天不覆巢不取膚卵是也有司謂驛師甸祝也祭者祭始爲

兵者之名立表以祭故名表貉也誓民如無千車無百後射之類

禁謂述人守禁之地擊鼓遂圍其節也弊猶止也春田上焚萊以

火止爲節虞人乃植旌令衆獻禽也祭社者以土方施生也○龜

山楊氏曰自黃帝立丘乘之法以制軍政歷聖因之至周无射夫

天子無事歲三田以祭祀賓客无君之庖而已而王乃枕藉鼓

臨教戰泣其坐作進退疾徐疏數不用命者必治之其教之謂

故其兵出無違律也以威令素行也平仲王曰鼓人藝鼓以

鼓軍事也諸侯入朝佐王田獵不殿以柝鼓煩王故代執之也

鼓以享人鬼也王田以祭祀爲先如對先王先公故柝路鼓也

東

儀州氏曰：我祀國之大事也。用民以訓軍旅，示之以武。取物以致祭，示之以順也。然不時則害農，不地則害物。春夏秋冬之仲，皆常時也。周甫田，鄰原圃，泰具則之屬，皆常所也。違官民物而百姓患之，則將開車馬之音，見羽旄之美，舉疾蹙頰而相告也。可不謹乎？
中夏致芟舍，如振旅之陳。蔡吏撰車徒，讀書契，辨號名之用。帥

以門名，縣鄙各以其名。家以號名，鄉以州名，野以邑名，百官各象

其事，以辨軍之夜事。其他皆如振旅。遂以苗田，如蒐之法，車弊獻

禽以享。

芟音鉞，舍去聲，撰註讀爲算。王氏讀如字，帥去聲，初論同。芟舍，草舍也。軍宿於野草止而已。草止宜戒夜，故

敬之也。蔡吏謂鄉師遂師之屬，撰車徒，讀書契，辨號名，所謂治其

政令也。以大閱羣吏，戒修推之，尤可見撰者，選具之也。軍各有部

分，選具其在車甲士若步卒之數也。書契，兩軍實之凡要，卽小宰

師，川以簡器者也。號名，謂以徽幟繫於膊上，如旗物而小，卽下文

名象之屬也。帥之言統，軍將之通稱，以門名未詳，註謂古者上鄉

爲軍將，爲營治於國門，若魯東門襄仲，宋桐門右師之類，或謂軍

門之名也。按二說，或說近是。縣師，通謂公邑之屬，家，通謂采地之

屬，鄉，謂六鄉之屬，野，謂六遂之屬，縣，鄙，有甸，稍，縣，都，數者，故稱各

也百官猶司常之官府謂凡縣大夫士之屬象之言表也辨別也田於日中而發爰舍則以待夜事故以六者別之也其他皆如振旅謂旆路鼓以下也夏田曰苗趙氏謂爲苗除害故名也如蒐之法兩路擊鼓圍也凡田必主車徒獨夏稱車冬稱徒者各舉一以別春秋也初夏祭名也餘見下文及司常○臨川王氏曰撰車徒所以具之讀書契所以聲之皆此軍事也古者畫戰則目相視故爲之旌旗夜戰則聲相聞故爲之號名教爰舍欲其名聲相聞以相別而已辨號名因其宜也王與之曰此教下寨之法也休兵偃師宿火而寢銜枝而處將聲以鼓鐸則聽亂將招以旂物則見昧於是專以號名爲尚也春秋發微曰禽獸多則五穀傷故因田以捕之上以供祭下以除害故田必以時殺必出禮田不以時謂之蒐殺不出禮謂之暴此聖人之深戒也中秋教治兵如振旅之陳辨旂物之用王載大常諸侯載旂軍吏載旗師都載旛鄉遂載物郊野載旒百官載旛各書其事與其號焉其他皆如振旅遂以獮田如蒐田之法羅弊致禽以祀祊大音泰音如字或作豈非說見司常綱先上聲勗音方○治兵說見中泰載新也軍吏師上文所謂紳猶言天吏之吏矣百官專謂州里之百官也事卽所象之事說

卽凡所名之名。但彼議於小旗而宜以聲。此表於各旗物而示以形耳。獵殺也。以殺命名。順秋氣也。羅罝人所謂罝也。春焚萊。明不用罝。逸之也。餘時皆用罝矣。特舉於秋爲獮也。致者。旬祝所謂致會於虞中也。惟秋冬物衆盛。故先致而後獻。以祀勗。皆祭四方以報成萬物也。○鄭謬曰。旗以一軍旅之目也。春官之司常與夏官之大司馬。惟王侯所建不改。其官吏則皆互變。說可考乎。按孤鄉也。師都也。軍吏也。三者不同名。其實皆孤鄉而已。在朝爲孤鄉。舍采則在師都。有事則爲軍吏。故所互建迭載者。旌與旗也。大夫士也。州里也。鄉遂也。百官也。四者不同名。其實皆大夫士而已。鄉則有州。遂則有里。其官皆大夫士爲之。故所互見迭載者。物與旗也。郊野也。縣鄙也。二者不同名。其實皆公邑之吏而已。鄉遂與采邑之餘地。皆謂之公邑。王制謂之圃田。自其地計之。曰郊野。自天子使吏治之。曰縣鄙。故所建而載者。旆也。蓋王畿內官吏之衆有三。簡朝之孤。鄉遂之大夫士。及公邑閒田之羣吏是也。民於每歲治兵。大閱習安其教。一有軍事。仰其旗。識其人。安得不如子弟之衛父兄手足之捍頭目耶。愚按二職所建所載之互異。諸儒多疑其說。獨鄭氏此條所云互見迭載爲得之。夫其云互建迭載者。何也。是當以無事建旌物。有事建旗。旌者恭之也。蓋師都鄉遂郊野有定地。孤鄉與大夫士亦有定位也。而孤鄉大夫士散於百官府師都鄉遂郊野之中。則無定名也。其在時田或爲軍吏之屬而

習兵戎又或不爲軍吏之屬而掌其法令又無定職也如司常職稱師都建旂州里建旗矣而此則稱師都載旂鄉送載物者卽師都中之孤鄉鄉遂中之大夫士無田事而主法令者也故此不更言孤鄉大夫士也又如司常職無軍吏百官而今稱軍吏載旂百官載旗者軍吏百官卽師都若州里之有田事而習兵戎者也非司常無軍吏百官也司馬之郊野卽司常之縣鄙皆稱載旂者凡公邑之吏卽以鄉遂法治之也大閱禮較大然第簡修其法而已故建旂物之孤鄉大夫士序於師都縣鄙諸建旂物之上若治兵則象出兵也故特舉建旂之軍吏於建旂物與建旂旗之前也二職所建之五文起義如此而或疑其兵事之變甚或疑其文誤也何中冬教大閱前期羣吏戒衆庶修職法虞人萊所田之野爲表百步則一爲三表又五十步爲一表田之曰司馬建旂於後表之中羣吏以旂物鼓鐸鈸鏡各帥其民而致質明弊旗誅後至者乃陳車徒如戰之陳皆坐羣吏聽誓於陳前斬牲以左右徇陳曰不用命者斬之中軍以鞀令鼓鼓人皆三鼓司馬振鐸羣吏作旗車

徒皆作鼓行鳴鐃車徒皆行及表乃止三鼓擁鐃車徒皆坐又三鼓振鐸作旗車徒皆作鼓進鳴鐃車驟徒趨及表乃止坐作如初乃鼓車馳徒走及表乃止鼓戒三闕車三發徒三刺乃鼓退鳴鐃且却及表乃止坐作如初遂以狩田以旌爲左右和之門羣吏各帥其車徒以叙和出左右陳車徒有司平之旗居卒間以分地前後有屯百步有司巡其前後賸野人爲主易野車爲主旣陳乃設驅逆之車有司表貉於陳前中軍以鞀令鼓鼓人皆三鼓羣司馬振鐸車徒皆作遂鼓行徒銜枚而進大獸公之小禽私之獲者取左耳及所弊鼓皆賦車徒皆謀徒乃弊致禽饁獸於郊入獻禽以享烝

二陳車之陳並平聲餘並去聲撫音鹿闕音缺分去聲賦駮同謀與同○闕簡閱也冬農隙故大閱

兵而習戰備也。羣吏見仲夏除萊謂之萊，猶祭義刈草謂之草。後
表謂所立四表之北表也。前三表凡二百步，過後表凡二百五十
步，不言其左右，當容各民徒也。後表之中者謂懸旗當其中央也。
致者大司馬以旗致民而此致之也。弊，仆誅責也。旗既仆而後至，
則爲慢令也。皆坐爲司徒將誓也。凡月令，徇說文謂行示也。左右
印表之左右，小子職，斬牲以左右徇是也。中軍謂將也。將執晉鼓
其令，鼓則以小鼓也。各三鼓謂軍將晉鼓、帥提鼓、帥擊鼓，皆各三
鼓也。司馬者兩司馬也。作猶建也。旗者九旗之總稱，謂各建其所
當建也。鳴鑼謂伍長也。及表謂自第一表至第二表也。掘者掘鑼
口而振之也。旗仆徒坐以息氣也。進者行漸進也。驟若趨者車徒
漸疾也。此又自第二表驟趨至第三表也。乃鼓者鼓急不暇節以
獨也。馳若走者車徒益疾也。此自第三表至第四表也。不言坐作
之屬，省文也。鼓戒者聲鼓以戒衆，衆攻敵也。闕止也。發者向前也。
每鼓一闕則車一發，徒一刺。至三而止，象服敵也。軍將等擊鼓以
今退與進之鼓同。卒長鳴鑼以止鼓，與進之鑼異。却者回身而退。
象旋師也。此自第四表退至第一表，其坐作適如前。統言之也。
冬田曰狩，言守而取之，無所逸也。軍門謂之和者，交兩旌於左右。
如相和然，取師克在和之義也。叙秩也。有司亦謂鄉師遂師之屬。
平正也。使叙於門以出，然後左右陳列而於門以正陳也。旗謂各
所載之旗也。主者居前爲主也。以旗分部其屯，前後相去各百步。

而又巡而察之使險地則卒居前爲之備而平原則車居前爲營
衛也駟者驅出禽獸使之可獲逆者之微禽獸使之不逸羣司馬
卽兩司馬銜枚以止喧也總官爲公自取爲私取左耳以計數於
公也所弊者所當止之處鼓疾曰駭衆譁曰謀象體樂之意也致
而監祭已見旬親冬物較盛故又監薦羣兆也之祭名四時皆
祭先焉冬夏舉之者陰陽所始萬物之本也○疏曰羣吏戒修謂
若鄉誦四時之出前期出田法於州里簡其鼓鐸旗物兵器修其
卒伍其下昔州長作民帥而致之掌其戒令賞罰黨正作民以其
法治其政事族師作民令其卒伍簡其兵器以鼓鐸旗物帥而至
皆是也王氏曰前期旣戒衆庶矣又後至焉非不教而誅者也軍
法後期者相此方致民誅之而已以下文言不用命者斬知此言
誅未遽以死處之也李氏曰兵在不祥之器不得已而用之若無
故而習是習殺人而非示天下不復用兵之意也故用蒐苗獮狩
而教焉鳥獸魚鼈皆兩血氣若無故而殺之是暴天物作禽荒也
故又因社約勸蒸而行焉明非好兵也爲田也非好田爲祭也聖
人之動其慎如此南軒張氏曰孟子曰有人曰我善爲陳我善爲
戰大罪也而大司馬有教戰之法何也先王制兵仁政之大所以
禁暴止亂而救民之生也明節制一號令以服習之而一本於仁
義是以無敵於天下而與徒好戰者異也若弛兵召侮以爲好仁
此與於不仁之甚也是烏知孟子之意哉黃氏曰以兵寄農以教

兵寄蒐狩其赴田役也猶其在比閭其赴敵也猶其在田役聲音
服容之屬無不相識雖有不測之變趨之戰其與平時一而已曉
事危及師大合軍以行禁令以救無辜伐有罪若大師則掌其戒
令蒞大卜帥執事蒞勳主及軍器及致建大常比軍衆誅後至者
及戰巡陳賦事而賞罰若師有功則左執律右秉鉞以先愷樂獻

於社若師不功則厭而奉主車王弔勞士庶子則相

大卜大常之
大音泰比去

聲賦視同先去聲厭音諷相去聲○師謂奉命出征大師謂王親
征也合聚也救無辜仁之至伐有罪義之盡卜者卜兵之吉凶也
主謂齊車所載廟社之主軍器謂鐘鼓之屬皆當彙以神之故蒞
之也致謂若邪師之屬致師也此師致以大旗王之大師致以大
常若王親戰陳則司常所云建大白以卽成是也比校也事戰功
也先之言導也執律以聽軍聲執鉞以示將威此以導愷歌之樂
而獻於社以志喜也屨喪冠也服喪冠以奉主而歸於廟與社以
示威也天子已命曰士未命曰庶子弔死勞勞傷一云勞有功
也○鄭語曰士庶子謂宿衛王宮者也王親征則從故宮伯國有
大事作宮衆則令之而大司馬相其弔勞之禮王氏詳說曰成周

之時其待士庶子也至有功則饗食之外饗掌其割烹之事酒正
其其酒是也有不幸之事則弔勞之此是也愚按大僕掌公卿之
弔勞小臣掌大夫士之弔勞御僕掌庶民之弔勞皆直言掌其弔
勞不言相王獨士庶子則司馬相王弔勞者蓋士庶子最近習於
王故王必親弔勞而餘則或王親之或王有故使諸職攝之與
大役與慮事屬其植受其要以待
攷而賞誅大會同則帥士庶子而掌其政令若大射則合諸侯之

六禮與去聲屬音燭○慮猶謀也謂司徒司空謀事而與之也植
六禮如傳華元爲植之植謂正版築之部曲者屬會告也卽傳士
編卒營成周屬役賦丈書以授帥者要者計功程之書也屬植則
知衆之多寡受要則知功之上下帥者諸子職會同賓客作羣子
從王而此帥令之也合者大射以諸侯爲六耦凡大祭祀饗食羞
十二人射人掌以六耦射三侯而此配合之也

牲魚授其祭大喪平士大夫喪祭奉詔馬牲食音嗣○牲魚謂魚

之大饗授尸賓以祭少牢禮各一魚加庶祭於其上是也平正也
正其職與其服也詔告也王喪遣奠有馬牲奉送之至奠詔藏之

猶司徒奉牛牲司

冠奉犬牲之意也

小司馬之職掌

此序小司馬中大夫二人之職也鄭氏曰此下札燭文闕者見小宰小司徒小宗伯等掌下其文多矣凡小祭祀等皆是於下總結以此知札燭文闕也凡小祭祀會

同饗射師田喪紀掌其事如大司馬之法

此職末例言之也會同謂小饗食如饗老孤士庶子及公食大夫之類射謂燕射之類小師田謂命將行師及凡田之類小喪紀謂夫人以下及王子之類

其法以大司馬職大

喪以下對推之可也

軍司馬

此序軍司馬下大夫四人之職而今闕也蓋掌軍法之官也

輿司馬

此序輿司馬上士八人之職而今闕也蓋掌軍車之官也○後儀王氏曰論語千乘之國可使治賦何謂千乘也包

氏謂方里為井方三里有三井有奇為十井出車一乘方百里有奇為百井出車一乘方三百一十六里有奇十萬井乃出車千乘其說蓋依周禮司馬法也

由包氏說八十里出車一乘出馬氏說六百家出車一乘而法

疑馬氏為可據者致漢食貨志四井為邑四邑十六井為丘出馬一匹四丘六十四井為甸出戎馬四匹兵車十乘是謂乘馬

成十里百井定出賦六十四井戎馬四十匹兵車百乘是謂百乘之家一封三百一十六里十萬井定出賦六萬四千井戎馬四千匹兵車千乘是謂千乘之國其說畧與馬氏同此朱子所謂可據也朱子於論語或問云車一乘甲士步卒合七十五人於魯頌闕宮詩傳又云車一乘甲士三人左持弓右持矛中人御步卒七十二人是一乘七十五人也而孫子作戰篇云凡用兵之法馳車千駟革車千乘芾甲十萬曹公註馳車輕車也革車重車也杜牧註馳車戰車也革車輻車也司馬法馳車一乘甲士三人步卒七人二人又輻車一乘炊家子十人固守衣裝五人廢養五人糶汲五人人是合二乘兼一百人為一隊也曹公杜牧註如此蔡季通每論此事以攷周禮軍制皆合朱子蓋謂此也費誓云魯人三郊三遂邾卽邾也天子六鄉具六軍六遂武之凡十五萬人通都邑之師凡十萬人為千乘所謂千乘之國成國半天子之軍也軍法萬二千五百人為一軍計戰車輛車各百二十五乘三萬七千五百人為三軍計戰車輛車各三百七十五乘戰車三百七十五乘之士卒凡二萬八千一百二十五人其重車三百七十五乘又九千二百七十五人魯頌言公徒三萬者舉三軍戰車士卒之成數而其言公車千乘者舉通國戰車之全數昭公之蒐傳稱革車千乘則其革車之全數也左傳乙卯楚師軍於郟丙辰楚

重至於匹呂氏謂凡戰兵車在前輻車在後故無抄掠之患漢志丘出馬一匹甸出馬四匹以駕戰車也其丘出牛三頭甸出牛十二頭以駕輻車也魯論千乘之國可使治其賦左氏謂之賦與蓋經傳之可見者類如此古有車無騎騎戰始於七國於是車制廢唐房琯用之而敗以不教民戰是謂棄之此之謂矣愚按舊或訓輿爲衆今推考衆說當訓爲車而此所論驍車革車徒士之數則先儒所謂分數明者也故備載之使學者因以攷焉

行司馬

此序行司馬中下士四十八人之職而今闕也蓋掌軍陣之官也○明齋王氏曰按軍司馬者主軍法備後世都虞

侯也凡軍中箴制之舉廢人才之進退軍將之得失士卒之功罪靡不司之昔王儀爲司馬昭司馬得以言上將之咎段秀實爲白孝德都虞侯得以專驕軍之戮此所以佐大小司馬也與司馬主軍車此行則爲乘載止則爲管衛職則爲衝突掌其出入使無離次也行司馬主軍陳凡軍左右前後各司其局牧誓不愆於六步七步不愆於四伐五伐六伐七伐乃止齊焉掌其行伍及生作進退之法使有所統攝也與司馬爲上士行司馬則中下士者與皆士大夫所乘且以爲營衛故也○雜說曰先王立法以明示民獨軍旅之制曲加諱晦習戰謂之田軍敵謂之禮大閱謂之教沒其財於九式離其書於儀禮特闕其兵馬之職屢易其軍伍之名出

入變化使民不知先王以爲明民以凶器危事適以成其乖爭之
患故凡爲是戮吾用而不示民者爲慮微也王與之曰三代國容
不入軍軍容不入國儀禮吉凶軍實蒞達於天下而軍禮獨廢於
大司馬就司馬法若國有師田之事縣師始受法於司馬以作其
衆庶小司馬之職掌不悉盡而軍司馬與司馬皆不備官有事則
置其不欲觀兵蓋如此南軒張氏曰先王制兵亦仁政之大者所
以禁暴止亂而救民之生也此其不欲觀兵固非弛兵撤禁召致
後侮以爲好仁者也而亦何事於祕而障之哉且如所說則冬官
一篇盡闕又將何以爲之詞也愚按張子之論甚正蓋本註意而
爲言也經說及王與之所云觀亦若周子所謂聖人之蘊者然攷
六官之職其於邦國都鄙皆布法於萬民必懸象而政官又以四
時通教之蓋王道若此其大也六官不懸象者惟禮故歲終亦無
攷有事乃讀禮書耳政官不如是也然則諸說似亦有見而
世之遊人策士或假爲陰謀秘計之說者豈先王之遺哉

軍將

師帥

旅帥

卒長

兩司馬

伍長

以上六職並
闕義同上

司勳掌六鄉賞地之法以等其功王功曰勳國功曰功民功曰庸

事功曰勞治功曰力戰功曰多

此序司勳上士二人下士四人之職也賞地卽載師遺郊之賞地等

綸差也功在王爲最故尊稱曰勳功在國次之故正稱曰功功在民者有常故曰庸功在事者必勳故曰勞力如盡力溝洫之力圖治不懈故曰力冬如上多前虜之多積戰有功故曰多此總言其因功以定賞也○疏曰六者皆對文爲義散文則道左傳舍爵策勳則戰亦云勳明堂位周公有大勳勞於天下則勳亦爲勞也此通也鄧氏曰司勳功等有六戰功後焉首王功曰勳次國功曰功次民功曰庸爲其功安於無形也事功治功專於勞力戰矣而猶列戰功之上則不正戰也功不列於王國庸不効於民事而猶於戰非王道所右故後之也愚按六者註謂輸王若則公保國若伊尹之屬蓋器舉以明例耳非伊尹不輔王周公不保國之謂也

或以功在侯邦與功
在王室爲對亦通 凡有功者銘書於王之太常祭於大蒸司勳

詔之大功司勳藏其貳

此由言功之意也功書於太常之旗與月爭先也死與於大蒸之祭與先王先公

同享也詔者以二者詔王行之也感副也其正藏於天府也 掌賞地之政今凡賞無常輕重賦

功凡頒賞地參之一食唯加田無國正

參三同正征同○此申言賞之事也政令通謂頒賜

及賦役之屬食參之一謂猶有國征也說見大司徒若又加賞之則國征并免皆歸其臣也

馬質等質馬馬量三物一曰戎馬一曰田馬三曰駕馬皆有物買

驚音奴買同價下同○此序馬質中士二人之職也質之言平也量度也買馬則以三物量度而平其價也驚下也按人職馬辨六物此不言繩馬奔馬道馬者夏官以戎用爲重主齊其力則駕馬亦以力任其故於投人養恭之外特而以備僊缺也若齊馬道馬各齊其色而植馬則又色力兼者特於其中選僊禮用而非以任重致遠也故不及之與綱惡馬綱維也惡馬也凡受馬於有司者書其齒毛與其買馬死則旬之內更旬之外

入馬耳以其物更其外否馬及行則以任齊其行更牛羸○有司

以給公用也書其年齒毛色及其價直者爲後驗也更猶代也旬

十日也入馬耳驗其死也物卽三物之物也十日之內死者任

之日淺必養待之過惡故令愛用者代償而必欲齒與毛與價三

者如故也十日之外死者養待之或疎亦任用之已久故驗其實

死各償以戎田駕之物而已其齒毛與價不苛之也至又驗十日

之外而死則任用之日憊非養待之有闕故第使巫馬辨入其布

而不責償也任載也以載之輅車及行之近遠齊其勞逸此明任

用之法也或又謂古者十年爲甸馬年過二十歲故不更也然馬

有人壽其說難通不若原註給公用爲安若有馬訟則聽之禁原蠶者

若原註給公用爲安若有馬訟則聽之禁原蠶者說謂日資用負

篇末有原之原謂再蠶也蠶與馬同氣故禁之○王昭禹曰物有

異類而同氣相爲消長盈虛其勢不兩盛也以天文考之午爲馬

辰爲龍馬爲龍之類蠶爲龍之精歲再蠶則蠶盛馬衰故原蠶而禁也自非深通性命之理者不能及此

量入掌建國之法以分國爲九州此序量人下士二人之職也管

國城郭營后宮量市朝道巷門渠造都邑亦如之朝音潮下同○

營國之內城外

郭營后之中宮量市之在後朝之在前凡道與巷之縱橫大小營門與渠之高下廣深此言量置也都邑制亦如之此言經野也

軍之壘舍量其市朝州塗軍社之所也塗途同○壘軍壁也舍軍營也所治處也王師所在後亦

為市前亦為朝每師二千五百人如二千五百家之州每軍百人如百夫之塗而齊軍亦必載社主而立之故首量其所處也此言

治軍也里邦國之地與天下之塗數皆畫而藏之里里之也猶上其地而曰上也地言

其大小涂言其多寡此亦通言天下也按大射禮量人掌量侯道木職不及者王侯驪有異與以別人職與大射異文推之可見

凡祭祀饗賓制其從獻脯糈之數量字喪祭奠饗之俎實從去聲

○凡祭獻牲牢為正脯糈為從糈與非糈謂脯十脰各長尺比二寸之類與謂遺奠也蓋謂廟也蓋亦有祖奠即所包遺奠也

宰祭與饗人受學歷而皆飲之○宰猶言制祭饗人職稱大祭祀而

此稱宰祭猶言大祭祀之宰祭互文也稱凡者大祭亦非一矣○

鄭謂曰祭有制祭之禮郊特牲君親啖牲大夫贊幣而從君親制祭夫人薦黍陸佃謂諸侯曰制祭王曰宰祭異文一義也當宰制之時尸既即席祝舉牛角詔受尸既則饗人量人受其餘滌而皆

飲之稱滌者無餘之意也先儒乃以宰爲冢宰失之遠矣介甫王
人以鬱人於祭禮達其氣臭以始之交神以應者也重人於祭祀
制其量數以成之事神以禮者也
二者本末相成故皆受而飲之也

小子掌祭祀羞羊肆羊殺肉豆肆音義見大司徒○此序小子下

謂所陳體薦豚解體解之屬殺肉猶言左殺右截也一云肆謂朝

踐取解而腥之殺謂饋獻體解而燭之肉亦謂切羊肉實於豆也

此言而掌珥於社稷祈於五祀珥音二註從雜記作珥祈音奇一

祭也而掌珥於社稷祈於五祀音難註從士師職作珥○珥祈註

謂糞社稷五祀之名此言衆也一云珥謂祭以珥災祈謂祭以求

福珥祈與侯禳畧同但珥祈專言社稷五祀侯禳則通言凡祭也

○疏曰按外傳禘郊則有全烝王公立飲則有房俎禮運釋其也

豚解而腥之烝其殺體解而燭之退而合亨體其犬豕牛羊是祭

宗廟不得有全烝也先鄭註羊肆爲體薦全烝故後鄭諸肆從豕
訓爲豚解士喪禮特豚四豕去蹄是也蓋豚解解左右肩左右胛
左右首并中脊爲七體體解又分體三分爲二十一體大夫士祭
自饋熟始正祭即體解爲二十一體喪事豕豚解爲七體而已其
天子諸侯之祭有腥有燭有熟故朝踐豚解而腥之饋獻體解而
燭之醑尸乃有熟與大夫士不同也珥祈讀爲珥勿者以象法無

取於耳及新禱之義故依士師制卽爲正也知制卽是繫廟之屬者約雜記廟成則繫以羊封於屋上其門與火室繫以雜皆卽於屋下之文也愚按凡祭宗廟雖無全烝祫於太廟固有之則肆之言陳實全烝及豚解之總名而後鄭必破肆爲明則而矣又其轉耳新爲卽制固云繫禮然謂毛牲曰制則小羊人夫人所掌乃羊犬之牲寧可以羽牲曰制通之哉皮制乃氣絕之意卽則制血之文二字疑互文皆通且肆師職以歲時序其耳新是耳新有定序也若徒謂繫於廟成之始於序字難解豈始繫之後廟亦歲時繫之而凡沈辜侯饋飾其牲沈卽埋沈之沈爾沈沈卽制必有其節與凡沈辜侯饋飾其牲以祭川辜卽編辜之事謂辜以祭門侯饋見小祝飾牲如封人毀邦器及軍器邦器謂飾飾其牛牲之飾編潔之也此亦言祭也毀邦器及軍器禮器軍器謂武器凡師田斬牲以左右徇陳陳去聲○徇陳見司馬必斬此言繫也凡師田斬牲以左右徇陳陳去聲○徇陳見司馬必斬也此亦言繫也祭祀贊羞爰徹焉贊羞謂奉薦而贊之爰徹謂廢徹而之類也

以各官掌牲職推之可見

羊人掌羊牲

此序羊人下士二人之職而總舉之也

凡祭祀飾羔祭祀制羊牲登其

首羔小羊也如鹵風獻羔祭非之類詢卽上獻之飾也登升也郊
特牲用牲於庭升首於室首爲陽足爲陰凡牲俱升首以表陽
也此言祭也○疏曰凡正祭皆用成牲今言凡祭
祀飾羔則非正祭故鄭引詩啓冰獻羔爲証也 凡祈珥共其羊

牲賓客共其法羊

法羊賓客牛禮之法如上公發五羊饗饋九羊之類

凡沈辜侯禴釐積共

其羊牲

積先鄭讀爲漬謂取血塗器而漬之也後鄭讀爲無積之積謂積柴實牲而燎之也按二說疑先鄭讀爲漬者近之

若後鄭之義則凡羊牲之諸職何皆不別言煎積而獨羊人言之乎或曰上文賓客共其法羊謂饗食之羊此謂積薦之羊牛人獻共其牛禮積薦之牛是也其說較二鄭爲合此以上法羊供之宰客餘皆供之小子也 若牧人無牲則受布

於司馬使其賈買牲而共之

賈音古○布錢也此又使其屬賈預買以供也

司燂掌行火之政令四時變國火以救時疾

此序司燂下士一人之職也行猶川也變

猶改也謂春取榆柳夏取棗杏季夏取桑柘秋取柞
柞冬取槐棗以順時氣而救之也此言烹飪之用也 季春出火民

咸從之季秋內火民亦如之時則施火令

內納同○季春建辰之月大星始見故西以出

火季秋建戌之月火星始伏故別以納火從者謂從國爲出納也
今之則從矣此言工作之用也○註曰出火用以陶冶民體因而
爲之左傳鄭人鑄刑書火未出而作火後有災是也疏曰言行火
政又言施火令則不惟掌火禁也若宮正春秋以木鐸修火禁司
如仲春以木鐸修火禁彼二官掌火禁不掌火令也鄭知出納火
是陶冶之火者以上文變火是飲食之火知之也集說王氏曰火
之爲物燭燎以爲明烹飪以爲養逆而用之則強弱相勝而氣不
均順而變之則休廢相治而疾可救故四時各取其所宜之木以
發國火使民常得陰陽之正氣而不滯於偏此聖人善救民之道
也火之象在天其伏見有時火之用在人其出納有節自非深知
大陰陽之情者孰能與於斯明齋王氏曰萬物之所以生二氣而
已陽盛爲火之熱而物資以暢茂條達否則萎陰極爲冰之寒而
物資以縮聚窒死否則散火有出伏失出則過盛失伏則傷陰此
春秋所以出火納火也冰有凝降不凝無以抑伏火不降無以發
伏陰此冬春所以藏冰開冰也天地之災給人身心之疾故調元者
以宣助陰陽爲貴司雩凌人之屬皆此道也愚按時則疏火令承
上文季春秋季而言也註乃引仲春焚萊以實之則時字無着且
如是則仲春已令出火是仲春也時兼春秋令兼出納止以一時
一事言之

凡祭祀則祭燧

祭以報始燧者也

凡國失火野焚萊則

有刑罰焉

二者皆怒其不謹也疏曰大司馬仲春教振旅火弊獄會春田主用火若擅放火則有罰也

掌國掌修城郭溝池樹梁之固頒其士庶子及其眾庶之守設其

節器分其財用均其稍食任其萬民用其材器

稍去聲食音嗣○此序掌固上士二

人下士八人之職也城郭之屬以固其守故修之此言固之勢也士庶子之屬以守其固故頒之此言守之人也節器弓矢干櫓之類材器槩築藩落之類設以禦變分以備用均以給養任以供役用以集事凡言守之具與其事也○王氏曰士謂公卿大夫之適子已命者庶子謂其眾子未命者衆庶謂其地之人民也頒其守則遠近均勞逸更而守政成矣公卿大夫治職於內而子弟守固於外此所以內外一心共成一體而無他虞也平仲王氏曰士庶子宿衛王宮不宜復掌城郭蓋國有大故則特頒而守之司士職致上而頒其守諸子職備國子凡守者受法焉以通守政有移甲而致於太子唯所用之是也

與其役財用唯是得通與國有司帥之以贊其不足者

守者之守去聲○法

仰通守政之法移亦通也甲兵甲役力役國有司掌甲兵力役財用之官也言三者有相移而通之者或無可通則已唯是可得以

通則與有司帥而通之以助不足此因分守之事以明合守之意也。○明齋王氏曰各致其守此各地各司之事也。如此則呼吸不通首尾不應故凡守吏必受法而通其守政者勢相依或有變故兵甲不備力役不供則以有餘而費其不足也。 畫

三巡之夜亦如之夜三警以號戒鼓人職號戒號而戒之也此又

言守之若造都邑則治其固與其守法凡國都之竟有溝樹之固

郊亦如之民皆有職焉若有山川則因之竟境同○境界也職即

固也此又歷言固與守之屬也

司險掌九州之圖以周知其山林川澤之阻而達其道路此序司

士六人之職也國曰國野曰險上職城郭之固木職山谿之險下

職封疆之界故各以名也阻猶險也塞也達通也山林之阻則開

鑿之川澤之阻則橋梁之也此標言險之大也設國之五溝五涂而樹之林以為阻固皆

有守禁而達其道路

守去聲○五溝遂溝洫滑川也五涂徑塗

也。實國有故則藩塞阻路而止行者以其屬守之。唯有節者達之。
藩落塞蔽也。以藩落塞蔽其阻路使奸宄不得容之。其屬謂胥徒
及其地之民也。此因常以及變也。○明齋王氏曰。敵敵中有無形
之險。遂溝洫滄川。非止備旱潦而已。徑於塗道路。非止便往來而
已。塗而樹之林。非固之而已。有沮洳之厄。有曲折之難。有蔽遮之
阻。是故胡騎不得長驅。戎車不得並馳。故盡東其賦。惟子戎車是
利。齊人以此責晉也。記云。城郭溝池以爲固。易云。王公設險以守
其國。此周禮掌固司險之屬。所以並屬夏官也。王氏曰。先王之世
道德明仁義修。然後險固可守。若徒恃形勢。雖有方城。漢水。何足
恃哉。魏武侯保西河之固。而吳起對以在德不在險。有以也。愚
按二說微不同。然其理則並行不悖。下職南軒張子之說盡矣。
掌固。此序掌固中十八人之職而今闕也。○易氏曰。千里王畿之
大司。徒制其表。疆而溝。封之是已。此官雖闕。而以司險推之。則掌
王國及邦國。都鄙之疆也。○南軒張氏曰。孟子謂城民不以封疆
固。固不以山谿感天下。不以兵革而先王。詳於周官設險守國。並
著於易。何耶。蓋先王吉凶與民同患。其爲治也。體川兼備。木末具
舉。道固所以長久而安。固若孟子。則推本而言之耳。

候人各掌其方之道治與其禁令以設候人

此序候人上士六人下士十有二人之職

也其方謂國之四方道治禁令猶野廐氏比修除道路掌凡道禁之意也上候人謂宮下候人謂役師徒百二十人為之詩所謂何戈與及若有方治則帥而致於朝及歸送之於竟

朝音潮竟境同是也方治謂遠方

有爭求治如虞芮質成之類帥道也上言平治何察之事此言邊送之禮也○註曰候人各掌其方之道治與其禁令國語候不在境譏不居其方也春秋傳晉欒黶過川王使候人出師轅轅是送也疏曰周定王使單襄公聘於宋遂道於陳以聘楚時候不在境司空不視塗廕宰不致饋司里不校館單子歸告王曰陳侯不有大咎國必有誑言譏者此之謂也愚按候人一職耳而註疏引傳以証其咎亡者蓋一職雖微皆政事之興廢精神之完虧心術之敬怠為之故見道者謹諸此

環人掌致師察軍慝

此序環人下士六人之職也致者致我必

四方之故巡邦國搏諜賊

搏音博諜音牒○環者廻環警備之義搏執也諜間也四方有故必環而防之

邦國無事亦巡而發之問諜或訟敵國揚軍旅降國邑

降音杭○訟者爭師

之直揚者壯兵之威降者收衆之志此則致之意也○註曰致師者致必戰之志也古者將戰先使勇士犯敵以致之春秋傳楚許伯御樂伯攝叔爲右以致晉師許伯曰吾聞致師者御靡旌摩壘而還樂伯曰吾聞致師者左射以敵代御執縛御下捕馬掉鞅而還攝叔曰吾聞致師者右入壘折馘執俘而還皆行其所聞而復之是也訟敵國者敵國賓來則往與訟曲直若齊國佐如晉師爭王命是也○王氏曰候人主好待諸侯環人主惡備諸侯皆守境之事以字同統環人者先爲不可勝以待敵之可勝也

挈壺氏挈挈壺以令軍井挈轡以令舍挈舂以令糧

卷音木○此序挈壺氏下

士六人之職也軍解衣也舍止也盛飲必以壺故以表井息駕乃有樂故以表舍盛糧須用春故以表糧凡以軍謹令或不聞故表也凡軍事縣壺以序聚糧凡喪縣壺以代哭者皆以水火守之分

以日夜及冬則以火爨鬲水而沸之而沃之

縣應同棧柶同○上壺謂候器此壺謂盛

滿水之器所以定時也序亦代之意也軍候必紫棧營夜候懸壺以秩序之表未燬必守哭達旦故縣壺以更代之也水以沃鬲火以燭劍恐日夜永短之刻難分故守之以水火而及冬恐水凍而漏不下故又以火爨鬲水使沸也○疏曰漢法以器盛四十八

箭倍二十四氣之數箭各百刻以壹盛水懸於箭上水漏下入筭
中水淹一刻則爲一刻王氏曰刻漏古今法器於天文爲下道者
臺故設官董之軍事嚴
表事遷特舉以見例也

射人掌國之三公孤卿大夫之位三公北面孤東面卿大夫西面

其摯三公執璧孤執皮帛卿執羔大夫雁摯贊同○此序射人下

士八人之職也位鄭氏謂將射始入見君之位也郝氏謂三公以

下將射而見則不必贊凡贊始相見也今按二說不同蓋本職以

將射見君而周言始相見之禮與向猶對也君南面答賜三公臣

中是尊故北面以答君孤尊次之故尊以賓位而東面卿大夫又

次之政居於上位而西面三公之贊執璧有君道也餘見大宗伯

職位若贊皆不及士者司士職之也以大射之禮射人戒大夫以

上射而司士戒諸侯在朝則皆北面詔相其法若有國事則掌其

戒令詔相其事掌其治達朝音潮相去聲職內並同○侯在朝此

堂位異也法儀法也國事通謂凡事也戒令以未事言詔相以當

事言治達謂侯因事而有所治則以達於王而出以王命下之也

○黃氏曰：經文始言公卿大夫之見，君未有射事也。諸侯來朝，國有吉凶慶弔之事，或有所請治，使射入部相而達之，會同朝覲以下，皆射人作其介從，職不專射也。註見以射名官，多以援之於射。淺矣。又謂國事爲祭事，而其戒令爲齋與期，亦不止此。凡事皆有戒令也。士之戒令，司士掌之；國子之戒令，諸子掌之。則諸侯及公卿大夫之戒令，射人掌之。與愚按：言射祭，則不兼凡事。言凡事，則亦包射祭。如儀禮將祭而大射，射人掌戒。以射法治射儀，主以六諸公卿大夫射，亦是國事所當戒令也。

耦射三侯，三獲，三容。樂以騶虞九節，五正。諸侯以四耦射二侯，二

獲，二容。樂以貍首七節，三正。孤卿大夫以三耦射一侯，一獲，一容。

樂以采蘋五節，二正。士以三耦射豨侯，一獲，一容。樂以采芣五節，

二正。射音石，正，舊音征。今按如字，射音岸。○以法治儀，謂儀以法爲程也。六耦之屬，如大司馬大射合諸侯之六耦是也。兩人

爲耦，六耦凡十二人。四耦八人，三耦六人，二耦四人。射供虎熊豹之三侯，諸侯其熊豹之二侯，大夫其麋之一侯是也。豨，胡犬名。士自無大射，其凡射之侯皆從畧，而其與於大射，其豨侯亦不次於王三侯。諸侯二侯，大夫一侯，之數，故特別稱之也。獲

謂習獲之人容謂蔽人之器義見服不氏駒虞之屬皆詩名獸以
爲節駒虞節凡有九五節先以聽而四節以射是爲五正禮首七
節三節先以聽而四節以射是爲三正采績采繁五節二節以聽
而三節以射是爲二正云正者樂以聽爲正而餘兼以射也此以
上歷言王侯卿大夫士凡射之法而射人統主之也○王氏曰先
王因度數而制以爲法因其動容而制爲儀自正以下其耦或六
或四或三其侯或三或二或一其獲與容視侯其樂節或九或七
或五其正或五或三或二此射之法也以是治之內志必正外禮
必直持弓矢必審固揖遜有序升降有節此射之儀也古之射者
行同能合則別之以射而勝者飲不勝者此射所以有耦也陳君
舉曰上大射張三侯者養人主不爭之德也以爲乘之尊下與諸
侯羣臣射射有中否則有勝負是使有爭也故特設三侯一侯爲
一侯二侯實弓良又有詔相之者則易爲中也諸侯二侯亦此意也
疏曰儀禮大射鄉射容謂之之之者謂矢至此力乏據矢而言容
者謂唱獲者於此容身據人而言也九節者五節先以聽七節者
三節先以聽尊者先聽多卑者則少也愚按本節通言射人掌王
以下至士凡射之法而下節乃言射人專職王之大射之禮其義
其明也而禮註亂之者有二其一亂全經凡射之禮此亂全經以
及諸經者也其一亂本職各射之義此亂本職因亂全經以及諸
經者也亂全經凡射之禮者凡射皆先燕後射而其仲爲秦而與

諸侯鄉大夫士射者則不以燕名而特名爲大射其止與諸侯及鄉大夫士燕而射者則統名爲燕射故射禮止有大射燕射之二禮并鄉射而爲三其經中有云賓射者乃大射燕射之禮其間各有王射賓射之節故以其禮樂之節別言之耳而舊註妄以王與侯射爲賓射王與鄉大夫士射爲燕射而與大射並列爲三禮則不持全經之義失而諸經之義皆失恐已於眡瞭職庶攷全經以詳其義矣此亂全經凡射之禮一也亂本職各射之義者既以賓射誤與大射燕射爲三禮因誤謂本節爲先言賓射之禮而下節爲次言大射之禮也於是以前節王射三侯諸侯射二侯孤鄉大夫射一侯者率目爲賓射之采侯而因以五正三正二正爲王射之三侯三正二正爲諸侯射之二侯二正爲孤鄉大夫射之一侯謂五正者五采之侯三正者三采之侯二正者二采之侯也如其說則王侯鄉大夫各用采侯士乃獨用射之皮侯耳王侯鄉大夫各采侯卽指五正三正二正而士則射侯之外又別有二正之采侯是何義也更有未安者果上下節分二射則本節止言王與諸侯爲賓射何以備言孤鄉大夫士各射之法儀而下節王與諸侯鄉大夫士祭而大射又豈獨不備本節一切之法儀耶况於首節則以士無位而斷其爲與諸侯之賓射於本節則士與射而又斷其爲與諸侯之賓射一職中何所至此後則禮射人而外如司裘樂師鑄師既瞭大僕小臣司弓矢之屬皆散言射而不詳其禮

射者惟儀禮可攷今攷諸侯之大射禮射人戒諸公鄭大夫
射而司士戒士射戒士自屬司士之職故射人位不及士初非士
不與射之謂也以諸侯之大射推之則王之射特加以戒諸侯
耳其射人掌戒大大以上而司士掌戒士一也而乃以射人位不
及士而疑士之不與射又以此而臆斷其爲賓射是又亂射人與
司士之職而全釋及諸經之言射禮者俱亂也九節五正之屬句
義相聯甚明不應以各節屬於樂章而各正屬於射侯且上文已
言王侯卿大夫士各侯之數若五正三正二正之屬果爲侯當與
上文相屬不應錯見於此候乃通名而正鵠乃侯中之的又不得
以各正爲三候二候一候之屬况五采三采二采之正名爲五正
三正二正又並非文理乎夫正爲正樂而餘兼以射是卽疏若王
家先聽後射之義特疏家未審而失之耳學禮者幸究之

大射則以狸步張三侯王射則令去侯立於後以矢行告卒令取

矢祭侯則爲位與大史數射中佐司馬治射正

令並平聲下同大音恭數上聲中去

聲正政同○此乃專言王大射而射人之所職也狸獸名也註謂
狸善搏擬步而行其發必獲故法以張侯也去猶避也服不氏執
旌負侯將射則令去之也諸侯大射禮司馬命量人量侯道以狸
步遂命與巾車張侯又司馬帥令負侯司馬正令去之皆不言射

人蓋王侯異禮矣告者告於王也立王之後而以矢行之高下左
市告之也取猶收也射異令射鳥氏取之也爲位者服不氏祭侯
而爲之位也中者受算器也大史飾中釋算而與數之
也佐治射正即大射禮司射爲政請射以佐司馬也 祭祀則贊

射牲相孤卿大夫之法儀

射音石○射牲謂郊禘之禮王親射殺其牲也法儀謂祭之法儀○疏曰宗廟

之牲惟秋冬射之祭天則四時常射是以司弓矢供王射牲之
弓矢射人贊射牲也諸侯以下則不射楚語云劉牟擊豕而已會

同朝覲作大夫介凡有爵者句大師令有爵者乘王之倅車有大

賓客則作卿大夫從戒大史及大夫介

倅音萃大史之大音恭○作猶使也凡有爵謂公卿

大夫受封爵於畿內者但言卿大夫則未受爵者也舊以凡有爵
爲命士者非以儀禮射人掌大夫以上而司士掌士推之可見倅
車謂戎車之副從從王也王使有爵者有事於諸侯則大夫介之
其王在軍之副車則有爵者乘之王見賓客則卿大夫從大史協
禮事而大夫介之故大喪與僕人遷尸作卿大夫掌事比其廬不
或作之或令介之也

敬者苛罰之

比必二反○僕人註謂大僕也遷尸遷於室也事喪事也比校苛也親貴者忌廢爲比於其服位之次

而因計責其下敬也。○註曰僕人與射人俱掌王之側位王崩小斂大斂遷尸於室若堂朝之象也。祖弓扶君僕人師扶右射人扶左君薨以是舉此也。

服不氏掌養猛獸而教擾之。

此序服不氏下士一人之職也。猛獸如熊羆虎豹之屬。教擾者猛獸不

易服擾之。斯馴而服也。

凡祭祀其猛獸賓客之事則抗皮。

猛獸謂中膳羞之獸。如獸人冬獻狼

是也。抗舉也。賓客陳皮幣則舉之。若聘幣有司舉以束是也。

射則贊張侯以旌居乏而待獲。

射人也。乏之制如屏風。可隱蔽。設執旌居之。射中則舉旌以唱獲也。○鄭氏鈔曰先王制官簡而不冗。自服不氏以下或教猛獸或射飛鳥或雜或畜官不可兼耶。然數職雖微以供鬼神之祭祀。君后之膳羞賓客之餼獻是設官以備物備物以成禮也。

射鳥氏掌射鳥。

射音石。此序射鳥氏下士一人之職也。射鳥亦謂中膳羞之鳥。如鳧雁鶉鴉之屬。

祭祀以

弓矢毆鳥鳶凡賓客會同軍旅亦如之。

毆鳥鳶尙肅也。註云鳥射。善鈔盜且汚人也。

則取矢矢在侯高則以并夾取之。

并夾恭名。見司弓矢。獲矢者侯高手不能及故取以此也。

羅氏掌羅烏鳥

此序羅氏下士一人之職也羅捕鳥網也烏雅鳥也鳥之言鳥也

蜡則作羅罽

音若

乍禘二鄭並作縞薛氏鄭謬作如字○蜡者十二月索祭之名

羅名所以取小禽也作之言用索祭則作而用之明非其時不用

也○鄭司農曰縞讀爲縞細密之羅也註曰蜡建亥之月此時射

既祭獸可以羅禽王制射祭獸然後用是也薛氏曰晉史云先且

作縞後當作縞帶縞婦飾也郊特牲索蜡之時諸侯之貢使草

笠而至大羅氏致鹿與女戒諸侯曰好田好女者亡其國豈真致

鹿與女哉鹿不可致作羅以示之文不可致作縞以示之也鄭謬

曰用取鹿之具以戒好田用婦之帶縞以戒好女本二物使羅氏

作之先縞乃以羅縞爲一物耳愚按縞爲近身短衣袴帶縞皆

下體襲衣也爲好女之戒同近理然味經文及二鄭註本作縞爲

正但漢初記郊特牲從如字作解故薛鄭本之夫好女仲春羅春

而致女其與羅烏鳥之職何與而漢記乃附之何哉

鳥獸鳩以養國老行羽物

春鳥註謂鷺而始出者若南郡黃雀之屬鳩月令仲春鷹化爲鳩是也二者變

舊爲新用以養老助生氣羽物凡鷓鴣之類則用以大頒賜也○

陳氏曰天子之養老者三國老也庶老也死政者之老也國子與

民俊同其學所以一道德國老與庶老異其養所以別分義羅氏

獻鳩以養者爲國老司徒以保息養者爲庶老司門以財養者爲

死政者之老若外饗酒正

人則總三者言之也

掌畜掌養鳥而阜蕃教擾之

此序掌畜下士二人之職也養猶育也鳥蓋雞人而外凡可畜者之通稱

雖羅鳥可畜亦畜之矣阜蕃遂其生教擾順其性

祭祀共卵鳥

卵鳥謂卵可食之鳥

歲時貢鳥物共

膳羞之鳥

鳥物謂鳥之以時至者膳羞之鳥謂鳥之可常膳者貢之旨進重詞也

周禮卷之八

姜兆錫斬義

夏官司馬序職下

司士掌羣臣之版以治其政令歲登下其損益之數辨其年歲與

其貴賤

此序司士下大夫二人中下士十有八人之職也羣臣卽下文公孤卿大夫士也版籍也總謂之士者士始附於版

推其本而言也登下其損益之數者爵有黜陟人有存歿也年歲謂齒之壯老及仕之久近貴賤謂位之崇卑此首言治羣臣之政令指王朝而言也周知邦國都家縣鄙之數卿大夫士庶子之數以詔于

治

邦國謂五等之建國都家謂三等之食邑縣鄙通謂凡公邑之屬也卿以上不及公孤者侯國無之也士以下及庶子者卿

大夫之庶子命之乃爲士也治謂治狀也詔告也司士詔於始而後家宰詔於終以行廢置也此次言治羣臣之政令通天下而言也以德詔爵以功詔祿以能詔事以久奠食唯賜無常德謂賢也若六德六

行是也祿秩祿也以德受爵乃以功祿之也能謂才也若六藝是也食稍食也以能受事乃以久食之也莫之言定期始事爵未定

矣非祿比故亦不言詔與四者皆有常式唯賜爲特恩則無常也此詳言治羣臣之政令兼王朝及天下而言也○疏曰註云賢者既以經先云詔事而後定食也此二者互見之文賢者有先試以事乃詔以爵能者若既試有功亦授以爵所以賢先言爵能先言事者欲見尊敬賢者卑退能者之意也愚按四句必如疏說乃儻然賢者先授以爵此乃不易之理疏則吞其變也昔謝從自蜀之京師將試教官以告程子不答從謂之程子曰吾嘗買婢欲試之其母怒曰吾女非可試者也今求爲人師而試之恐爲此媼笑也從遂不行由是觀之則賢者先授以爵可見矣 正朝儀

之位辨其貴賤之等王南鄉三公北面東上孤東面北上卿大夫西面北上王族故士虎士在路門之右南面東上大僕大右大僕

從者在路門之左南面西上司士擯孤卿特揖大夫以其等旅揖

士旁三揖王還揖門左揖門右大僕前王入內朝皆退朝音潮下同鄉去聲

大僕大右之大音泰從上聲還疑同○朝儀謂路門外治朝之儀也北面以東爲上者尊左也東南西西北上與南面之西上東

上者近王爲尊也。王族故士，謂王族之舊爲上，而留宿衛者，虎士，謂虎賁之士之先。後王者，大右，卽司右。大僕從者，卽小臣。祭僕，卽僕之類。不言士位者，按燕禮射禮，當在西方，東南省文也。擯，謂相。任也。旅，衆也。孤，鄉以上。每人一揖。中下大夫稍卑，故各以其等。衆一揖。上中下士又卑，故旁三揖也。還之言，同也。大夫以上，皆王揖。而就位。士不待揖，卽就位。故向旁揖之。其餘在路門之左右，故又還揖之也。前者，自路門之左，前正朝位也。內朝，謂燕朝。王視治朝，畢而入燕朝，則朝者皆退，就官府矣。掌國中之士。

治比其戒令。

士謂上中下士。稱國中者，對邦國以外而言也。此以下皆言士。不言公卿大夫，所謂同士也。詳見射人并

載木治，猶射人治達，諸子治教之前。戒令，稱凡者，統衆之詞。下文賓祭各條，指而言之耳。如儀禮大射，司士掌戒士射之類，皆統其中。掌擯士者，膳其饗。饗，贊同。○擯，猶贊也。其饗，雄也。士初命以也。掌擯士者，膳其饗。贊見王，司士爲之擯見，而歸贊於膳人也。凡

祭祀，掌士之戒令，詔相其法事，及賜爵，呼昭穆而進之，帥其屬而

割牲羞俎豆。

相，去聲。○戒令，士而詔相之。猶射人戒令諸侯，公卿大夫而詔相之也。同姓有旅酬之禮，故賜爵以昭穆

爲序。詳見祭統。割牲，割副牲體也。羞，進也。凡會同，作士從賓客亦如之。作士適四方使

爲介

使去聲○適四方使謂爲通聘四方之使又言爲介者其上

士猶射人

作大夫介凡有爵者作卿大夫從滅大史及大夫介之類也

大喪作士掌事作六軍之士

執披凡士之有守者令哭無去守國有故則致士而頒其守

披音

並去聲○作士掌事以下亦猶射人作卿大夫掌事也披在柩車

兩旁各三持之若四馬六轡然故名爲披守謂所守之事也頒其

守卽掌固職頒其士凡邦國三歲則稽士任而進退其爵祿謂

之守而司士敘之也侯國所貢士也任猶職也三歲則稽致其職以賞罰其君也○明

齊王氏曰諸侯歲貢士於天子凡邦君之子卿大夫之子與凡民

之俊秀皆在其中或備用於朝或反其國司士於三歲則稽致其

所貢之賢否以行賞罰記所謂進爵祿地是也但記專言習射而

已此稽士任則以其任職觀之爲得其賢否之實也愚按王說詳

矣尚書大傳云諸侯三年一貢士一適謂之好德再適謂之賢賢

三適謂之有功初賜以車服弓矢再賜以鉅鬯三賜以虎賁號曰

命諸侯亦此謂也而疏說乃誤以木職凡所言士爲卿大夫士之

總名此乃借邦國之卿大夫士而進退之也則焉矣致司士職有

二義前三節通羣臣而言此總職也其下則指士而言此專職也

所以然者司士職與射人相表裏射人職掌公卿大夫之位衛不
及士其所掌擯禁及祀祀朝之屬亦皆止於大夫以上而已射人
掌不及士故士之擯贊及祀朝之屬司士則掌之也其兼言邦國
卿大夫士之詔治者以公卿大夫必自士始故司士於射人職所
不備者一佐理之耳又安得於其事言士者半訓爲卿
大夫士而盡失射人與司士分職之義哉學者詳之

諸子掌國子之倅掌其戒令與其教治辨其等正其位國子之倅
燕義作階

子之卒義同後倅此○此序諸子下大夫二人中士四人之職也
國子謂公卿大夫元士之子也倅之言副也其適長爲正體而其
下凡適子妾子之屬非正體比故名倅也舊謂國子之適於父有
謂蘇之義而名倅者非戒令語其體教治語其常等謂適家之高
位謂父爵之尊卑○疏曰按王制樂正崇四術以造士凡王太
子王子羣后之太子卿大夫元士之道子皆造焉則王太子王子
亦國子此註不言者彼樂正造國子含有王太子王子故文王世
子篇成王猶在學學君臣父子長幼之禮也此據諸子致國子於
太子故不得通國有大事則帥國子而致於天子唯所用之若有
王太子王子也

兵甲之事則授之車甲合其卒伍置其有司以軍法治之司馬弗

正凡國正弗及

天子之大音泰正並同征。○大事如下文喪祭賓客之屬甲兵之事若有故頒守之屬公卿大夫聽

於王故其子聽於太子也。有司若伍長率長軍法若坐作擊刺及

賞罰之法司馬弗正謂兵賦凡國正弗及謂此力役之事以致於

太子故弗正以其國子故弗及也。○共閭呂氏曰古之爲國其君

臣相信非一日積也。太子君之誠也。國子之倅臣之貳也。學相同

則好相舍。王制春秋教以禮樂冬夏教以詩書。王太子王子羣后

之太子卿大夫元士之適子皆造焉是也。事相同則情相信。國有

大事則帥國子而致於太子唯所用之是也。故太子雖未爲君而

君臣之交已盡賢不肯之知已悉也。愚按木職謂之諸子而記文

下世子及燕義各篇皆謂之庶子。諸庶皆衆詞該凡適子及妾子

而言故木職又謂之羣子。文王世子篇庶子之職以正室守太廟

以其諸父諸子諸孫守餘宮室此也。適子本以正適爲重而本職

之教治則支庶爲主者。王請請侯卿大夫元士之衆子不得卽與

其適子皆入於太學此所以師氏保氏之學在公宮之左以令教

貴適子。命而諸子職又掌其伴之教治使之修德學道以攻其藝

而進退之也。故諸子之。大祭祀正六牲之體凡樂事正舞位授舞

職與師氏保氏相表裏

。正者大音以六樂之會正舞位而此。大喪正羣子之服位會同

。尊室之也。授者受之司正以授之也。

歸客作羣子從

從去聲○服位謂衰麻之服哭泣之位也作羣子亦射人作公卿大夫而司士作士矣凡國

之政事國子存遊倅使之修德學道春合諸學秋合諸射以攷其

藝而進退之

凡國之政事如宿衛守固之屬倅謂之遊無職事者之概凡政事必學組成者乃加之否則存而教之也

德藝卽師氏保氏之六德六行六藝合聚也學註謂太學射謂射宮也國子之倅其初不得與元子俱學於太學故使學於師保而春休祭於太學之屬以攷之如大胥致諸子入學合聲之類

是也進者進用若升於太學也退者退費若屏之他方也

司在掌羣右之政令

此序司右中士六人之職也凡車皆勇士居右羣右謂戎右齊右道右之屬凡軍

旅會同合其車之卒伍而比其乘屬其右

比必二反乘云羣屬首燭○令之言比車亦有

卒伍比次之如軍法也比其乘者比其馬使同力駕其右者屬其

人使同心也○疏曰云卒者宣十二年傳云楚君之戎分爲二廣

廣有一卒卒偏之兩是也云伍者司馬法云二十五乘爲偏百二

十五乘爲伍是也郝氏曰凡車三三爲小偏九乘三五爲偏車十

五乘五五爲大偏凡二十五乘是一師二千五百人之車也二偏

爲卒又謂之廣凡五十乘是令二師五千人之車也五偏爲伍凡

一百二十五乘是一軍萬二千五百人之車也。此謂車之卒伍。急按郝氏所謂二偏爲卒者，卽春秋傳卒偏之兩而所謂卒又謂之廣者，卽春秋傳廣有一卒也。蓋市之卒伍與士之卒伍不同。士五人爲伍，五伍爲兩，四兩爲卒，而車則二十五乘爲偏，二偏爲卒，五偏爲伍。凡國之勇力之士能用五兵者屬焉。掌其政令。戰車右必選士，故凡勇力而能兵者屬之，而以政令宣之也。

虎賁氏掌先後王而趨以卒伍，軍旅會同亦如之。先去聲。○此序虎賁氏下大夫

二人中，士十二人之職也。卒伍謂其下虎士八百人之卒伍也。先後而趨以衛王也。御卒伍明不失其律也。以旅賁氏推之，此蓋指祭祀而言。故軍旅會同亦如之與。舍則守王，閑王在國則守王宮，或曰通謂凡出入也。此言扈從也。

國有大故則守王門，大喪亦如之。及葬從道車而哭。從道並去聲。○舍之言止

謂所止行宮也。闕其防也。大喪亦大故之類。故如之。此言適四方守衛也。遺車，魂魄所依。從哭以安之也。此亦言扈從也。

使則從士大夫。若道路不通有徵事，則奉書以使於四方。使並去聲。○適

四方使謂爲通聘四方之使也。從士大夫稱從正使而爲之副使。蓋其中士從上士以上，而其下大夫從中大夫以上，與有微事，開徵師役也，則自奉書以使之矣。此言使命也。○明齋王氏曰：書齊侯名，假以二千戈，虎賁百人，逆子釗於南門之外。虎賁百人，卽此虎士也。以勳服顯諸侯，入鬪，虎賁氏之官，逆立嗣君，職隆任重如此。而周公之戒成王，復拳拳於綴衣虎賁之屬，蓋以其朝夕近侍，至望得正人與居，乃足以養成君德也。則所係又豈淺鮮哉。

旅賁氏掌執戈楯夾王車而趨。左八人右八人車止則持輪。此序

兵中士二人下士十有六人之職也。夾王車，卽謂左右各八人也。恐車輪不定故持之。凡祭祀會同賓客，則

服而趨。喪紀則衰葛執戈盾軍旅則介而趨。衰音崔。○祀賓則吉

服各以類也。○註曰：士助祭服爵弁會同則服玄纁，臣爲上，喪黃

賤者斬衰麻經，既葬服葛。在軍惟甲士披甲，餘則否。此衛王故

介也。浚儀王氏曰：帝王之於外則防則衛，內則重禁門，將行則設

兵而後出帳稱警而後踐，旆張旗而後登，輿清道而後奉，列進則而後轉，嚴靜室而後息，駕所以顯至尊，務戒謹垂法戒也。二職之任重矣哉。愚按：虎賁氏言卒伍前後王者，乃下大夫二人中士十

有二人率其屬八百人或先或後於王之先後也旅賁氏言左右夾王車者乃中士二人及其餘十六人或左或右於王之側也虎賁氏所幸猶役也而旅賁氏則自以其體親執兵械徒役少而職員較多矣此所以名官以旅但自爲扈從而不及守衛之屬與

節服氏掌祭祀朝覲衰冕六人維王之太常諸侯則四人其服亦

如之郊祀衰冕二人執戈送逆尸從車

大音泰○此序節服氏下士八人之職也本職之義

未詳衰冕九章王祀若朝之服日月爲常其所建之旌若諸侯則

上公之衰服有降龍無升龍侯伯以下冕服通教而其旌亦各有節矣維謂維其綏也六人者一昨三人四人者一昨兩人衰冕所

謂大裘而冕車謂尸車也春秋傳云青祀夏郊董伯爲尸○註曰

掌衰冕者從王服也衰冕亦從尸服也禮天子之旌長曳地旒十

有二兩兩以綏綴臨故旁各三人持之也疏曰註謂從王服者明

節服氏所服與王同也郊祀尸與王同大裘故節服氏亦如之平

仲王氏曰如註義則衰冕六人句衰冕二人句也而後儒以節服

氏爲掌王服之中節者蓋掌祭祀朝覲衰冕爲句郊祀衰冕爲句

二者乃其本職而六人維旌一人執戈二者其兼職也然按書傳

大輅圖王在幣上墜乘一人奠前一人旁行六人皆冕服則從王

服姑從鄭註可也愚按序官鄭註及明齋王氏皆謂爲王節所衣

服而註於序職乃又以從主服釋之何舉夫律王所服者蓋謂一
以飾容衛一以謹防閑也鄭氏謂禮本下士服天子衣旒旒荷戈
以趨於禮何居則此不但虧國體而抑亦豈所謂謹飭者乎但本
禮解作以其節爲王服之義理固較正而郊祀郊祀禮是爲何句似
未完或疑別官多脫文

郊祀之下當有脫誤也

方相氏掌蒙熊皮黃金四目玄衣朱裳執戈揚楯帥百隸而時難

以索室毆疫難難同索音色○此序方相氏在夫四人之職也索

玄衣朱裳以爲容執戈揚楯以爲用百隸卽罪隸夷隸之屬時難

川今季春仲秋及季冬之難是也索猶搜也室乃隱隱所藏故搜

而毆之也大喪先懼及墓入壙以戈擊四隅毆方良方良謂作四隅○

諸土之怪夔附雨水之怪龍附象毆之以安土神也○王氏曰凡
陰陽之氣成功者退順則爲利否則爲災月令季春國門之難曰
舉春氣恐寒氣符也仲秋天子之難曰淫秋氣恐暑氣符也季冬
大難則辟一歲邪惡之氣也此於太虛間不過氣之宿暫者而已
番而中於物則爲災爲疫有鬼神爲居居氣

之間以主之故讎以毆之使蕩而不番也

大僕掌正王之服位出入王之大命

此序大僕下大夫二人之職也。正者王之禮服有六而其

朝立有位也。以小臣正王燕居之服位推之。此蓋謂治朝燕朝之服位與下文言視朝與人之位是也。出者奉以出入者入以報此

言事上也。○王氏曰正王之服則王之勤容周旋無不中禮。正王

之位則出入起居罔有不欽。正王服位而後出入王命能正位。繁

後漢命也。雜說曰大僕掌出入王命傳達章報之屬而已。亦屬於

司馬何耶。嘗觀秦將章邯使長史欣請事咸陽魯司馬門三月不

得見遂降楚趙克國六月戊申上奏七月甲寅置書得報自極

遠至京師往返纒七日後遂以成功兵事貴速而忌壅蔽也。掌

諸侯之復逆。還報曰復陳奏曰逆此言體下也。○王先生曰復逆

臣吏民復逆掌之御。王眠朝則前正位而退入亦如之。朝音潮下

僕皆以尊卑爲次也。王眠朝則前正位而退入亦如之。朝音潮下

謂視治朝也。前正王位退乃復立於路門之左。司士所謂大僕前

也。入謂入路門內之燕朝其正位亦如治朝也。此亦言事上也。

建路鼓於大寢之門外而掌其政以待達窮者與遽令聞鼓聲則

速逆御僕與御庶子

四句鼓曰路鼓示無不通也。大寢卽路寢待者待通之也。達窮大司寇及朝士職以辨石

達窮民是也窮民立於肺石三日士聽其辭乃擊鼓以告於王矣
遠令行夫職邦國傳遽之小事也逆也御僕御庶子直事鼓所
故謂鼓則速迎而考之以通其言也此亦言體下也○疏曰御僕
職云掌以序守路鼓故逆御僕也而又有御庶子者蓋其職凡下
士十二人分爲之而總名爲御僕與庶子者蓋其職凡下
掌諸儀之逆逆厥職最大若達窮者與遽令蓋亦使民復逆之屬
乃不特於御僕而隸於大僕何也情切以迫故御僕之屬掌守路
鼓以通之而統以大僕也御庶子序官序職皆不見疑是御僕之
屬也御僕十二人爵皆下士而或名御僕或名御庶子蓋亦有未
詳者或曰御庶子蓋地官師氏教養之國子所謂使其屬守大養
之門是也其大僕開鼓聲而亦逆之者蓋御
庶子無事當嚴其守而有事當達其情故也祭祀賓客喪紀正王
之服位詔法儀贊于牲事祭祀賓客謂大祭祀賓客也以小臣禮
贊牲事專謂祭祀也蓋納亨時王逆牲躬割王出入則自左馭而
大宰贊其毛面大僕贊宰割七載之屬也王出入則自左馭而
前驅居左爲尊位不敢無事以當之故自馭也此亦言事上也○
註曰前驅如今導引也居左自馭不三乘雖王也亦有車右
馭疏曰大僕以車前驅爲導故其在車左不敢使人馭凡軍旅出
而自馭也若使人馭馭在中央身無事居左大尊矣

役贊王鼓救日月亦如之

師田鼓以作事薄饗鼓以除惡贊者王親鼓而贊擊其餘也

大喪始

崩鼓傳達於四方窆亦如之縣喪首服之法於宮門

窆者便也

以警衆故名戒鼓傳達於四方言虜戎也應首服於宮門謂婦人

免髮并總履狹長短之數若男子冠衰之式小宗伯縣於路門之

外也按射人職云與僕人遺尸櫃

弓亦云僕人師扶左此燕省文與

三公孤卿之弔勞

○本職及小臣御儀職各所弔勞皆謂王或有所故而使攝也若王

王親往弔勞則亦贊之矣詳見大司馬職此亦言其體下也

燕飲則相其法王射則贊弓矢

相去聲下職同○王燕飲對小臣

而言贊弓矢

謂於及受也王眠燕朝則正位掌擯相王不眠朝則辭於三公及

孤卿

燕朝前正位而退已見上文此又明其掌擯相也不眠朝通

謂治朝燕朝辭猶告也上數條皆言事上也○燕錫曰一日

二日萬幾王不眠朝是必有故若安燕而廢朝當除諫以箴過也

三公孤卿大臣也與國共休戚宜以舜告之○伊川程子曰人主

不可跬步離正人也蓋以涵養氣質薰陶德性故能習以知長化

與心成不伴王氏曰大僕等之正服位與擯相其法儀何密也人

欲之恣無不自起若燕開萌也先王之防之也諫而後故不然
豫故不迫而正朝廷以正百官以正萬民無不舉舉故三代之盛
也左右僕從雍容談笑而有餘其
衰也法家拂士徵色繁聲而不足

小臣掌王之小命詔相王之小法儀

此序小臣上士四人之職也小命小事之命令也小法儀

謂揖讓周旋之節

掌三公及孤卿之復逆正王之燕服位王之燕出入則

前驅

燕謂燕居小寢也玉藻王卒食玄端而居蓋王皮弁以日視朝於治朝退適路寢聽政聽政畢然後適小寢燕食已乃得

服而小臣掌其服位也燕出入通謂小寢燕開及北宮苑遊觀之屬

大祭祀朝覲沃盥王盥小祭祀賓

客饗食賓射掌事如大僕之法

食音嗣大僕之大音泰下同○此

通言之也大僕掌大祀賓王燕飲王射而小臣掌小祀賓饗食賓

射皆大小之義也以賓射對王射者凡大射燕射之禮皆王射詔

賓禮之凡射大僕贊弓矢則賓射小臣贊弓矢也舊以賓射與大射燕射分為三射其失甚矣

掌士大夫之弓勞

凡大事佐大僕

小事掌大事則佐也本職各條亦皆事上體下之意但觀上職爲降耳

祭僕掌受命於王以眡祭祀而警戒祭祀有司糾百官之戒具既

祭帥羣有司而反令以王命勞之誅其不敬者此序祭僕中士六人之職也命賦祭

祀註謂王有故不親祭也祭祀有司謂攝祭者羣有司謂凡執事者戒具見大小宰令猶命也謙責也勞其敬而責其怠也此正言

王不親祭之事也○劉氏曰王之於祭祀也蒙宰正其綱宗伯主其職六官之屬各職其事吉蠲戒具可謂盡敬備禮矣然其初王

未賦之也乃設祭僕專受王命以賦祭祀而戒有司糾百官是代王躬其事也聖心如此故祭則鬼享帝假而受福也王氏曰祭祀

甚煩王豈能一一親之特設祭僕六人董事百慮不入其中以致其精明之極所以事無失禮也感按二說指王未祭而命賦非王

不親祭也然觀既祭反令則註謂有故不與者得之或曰下文明言王之所不與則此不合以不親與祭爲言曰下文自以邦國都

家地遠而禮不得與此則本王所祭但以大喪復於小廟小廟謂

有故而不得親耳與王所不與義殊也

下對太祖而言也復招凡祭祀王之所不與則賜之禽都家亦如魂也此因祭而及之也

之凡祭祀致福者展而受之

與夫祭○不與註謂同姓諸侯有先王之廟者明齊王氏謂古書王及各

山大川之在侯國者按諸侯不得視天子王說近是然傳稱邑有先君之廟曰都如岐豐舊廟鎬京豈能與祭則二說相須始佛與賜之命使致祭也致福見都家宗人展之言觀也觀其體之數如大牢則牛左肩九介少牢則羊左肩七介特牲則豕左肩五个也此又推王不親祭之類也○疏曰周人尚右故右胖皆祭以左胖致人也祭言太牢謂天子之公卿大夫少牢謂天子之士及諸侯之卿大夫特牲謂諸侯之士也特牲皆用前體者前體貴也

御僕掌琴吏之逆及庶民之復與其弔勞

此序御僕下士十有二人之職也羣吏謂大夫

士之屬以太僕掌諸侯小臣掌三公及孤卿推之可見不正言大夫士而言琴吏者中包庶人在官也吏言逆民言復猶宰夫酒醴臣之復萬民之逆互文也大祭祀相盥而祭大喪持鬯相去聲弔勞亦謂弔勞吏若民也登兩聲性體於俎也御僕相小臣奉祭掌王之燕令以序守路鼓燕令燕居授巾以盥乃祭也髮指飾也時之令序次也十二人以次更守之也本職亦事上體下之意而職又降矣○介甫王氏曰庶民之復即大司寇所謂遠近髡鬻老幼欲有復於上者也大僕掌建路鼓令御僕序守以待達窮者此所以聞鼓聲則速逆御僕也

歎僕掌五寢之埽除糞洒之事

埽洒並去聲。此序隸僕下士二人之職也。天官宮人掌王之六寢。

謂宮寢也。此掌五寢謂廟寢也。凡廟前曰廟後曰寢。祭祀修寢。天子七廟惟二祧無寢故五矣。埽除糞洒詳見宮人祭祀修寢條。

也。王行洗乘石掌蹕宮中之事。乘石謂升車之石。洗潔也。蹕警也。大喪復於小寢。

大寢

小寢高會祖廟四廟之寢。大寢始祖廟之寢。疏曰爾雅釋宮云有東西廂曰廟無曰寢。凡廟必須寢者祭在廟薦在寢也。方氏曰王者之於祖廟以人道事之則有

寢以神道事之則有廟祭神道也。薦人道也。

弁師掌王之五冕皆玄冕朱裏延紐五采纁十有二就皆五采玉

十有二玉笄朱紘

纁古藻字。此序弁師下士二人之職也。稱弁又稱冕者弁制前與後平而冕前後也。春秋正義曰冕後高前下有俯仰之形欲令居上者位彌高而志彌下也。

五冕春官司服所謂袞冕鷩冕毳冕絺冕玄冕是也。其價上以玄下以朱謂之延。延下小鼻繫纁謂之緝。藻流謂之緝。就之言成也。

以五色組爲紘如藻之文氣。紘貫五色玉十二爲一就。而前後各十二就也。玉笄以玉爲笄而貫於冕之武上之四旁也。朱紘以朱

色之紘結於頷下而緝於笄之兩端也。此總言王之五冕之制而

十二就十二玉乃獨舉王之袞冕之數者凡禮制上得兼下下不得干上袞冕十二就玉爲王之正服而其下附侯孤卿大夫所服皆見冕冕緇冕玄冕爲王之兼服惟上得兼下故獨舉袞冕以包其下鷩冕毳冕緇冕玄冕之制惟下不得干上故獨舉王之袞冕十二就玉以表異於上公袞冕之九就九玉侯伯鷩冕之七就七玉子男毳冕之五就五玉孤緇冕之三就三玉卿大夫玄冕之一就一玉諸侯之纁旒九就珪玉三采其餘如王之事旒旒同珪音等之通稱九就據上公九命而言也珪玉石似玉者三采謂朱白蒼其陰如玉謂玄冕朱裏延紐之制言上公之袞冕而不言侯伯以下之冕者亦纁旒皆就玉璜玉筭璜音殿○纁旒皆就未詳王璜以明下也纁旒皆就王璜玉筭氏謂衍文也或謂宜屬玉璜玉筭爲義王侯藻旒皆一就以繫玉璜而垂於玉筭逆文也充耳謂之璜王以玉侯則以琇筭之紘王以朱侯則以青明王之玉璜玉筭雖異而藻旒王之皮弁會五采玉璜象邸玉筭王之弁纁弁則與侯皆一就矣王之皮弁會五采玉璜象邸玉筭王之弁纁弁而加環纁會音怪璜音璜○弁如人兩手相拚合也釋名云以鹿韋爲之爲爵弁以鹿皮爲皮弁以韋爲韋弁公羊注云夏曰收殷曰晡周曰弁加延旒則冕也皮弁王之朝服會纁纁結邸抵也弁纁中結五采玉十二爲飾其內之頂上以象骨爲軀

而其弁亦玉也弁經王之弔服環循纆也弁如爵弁而素亦謂之素冠而其上加環紘畧如總之麻纒但以一版纒之而不兩版相糾也此言天子之各弁也諸侯及孤卿大夫之冕韋弁皮弁弁經各以其等爲

之而掌其禁令

韋弁戎服也其等謂冕之藻旒弁之玉綦經之辟積皆如其命數也此言諸侯以下之冕若弁也

疏曰冕制周禮不詳按叔孫通作漢禮器度取法乎周其冕以版廣八寸長尺六寸上玄下朱覆於冠前低一寸此其制也王之五冕其藻旒有十二有九有七有五有三而玉則皆十二故藻旒不言皆則五冕不皆十二旒而玉言皆則五冕之旒皆十二玉也按王之五冕冕制皆同而旒數則異旒稱冕制以叔孫通漢制爲率是冕皆同而旒稱袞冕十二旒鷩冕九旒毳冕七旒緹冕五旒玄冕三旒是旒皆異也諸侯卿大夫之冕其於王各有制而玉數則皆異司服職稱上公白衮冕而下如王之服侯伯自鷩冕而下子男自毳冕而下孤自緹冕而下卿大夫自玄冕而下皆遵如其服是各冕亦與王同而朱子稱天子五冕之旒皆十二玉謂侯以下則九旒者九玉七旒者七玉旒皆做此是玉皆異也練弁皆就註義未明而或謂玉璜玉珩爲義者蓋冕旒自衮冕而下數不同者璜必貫以纆而旒皆兩旁各一故不及其數但稱皆就而已古

爲若服充耳以青爲鄭大夫服充耳以素爲士服若黃青之屬卽
采而藻流亦雜纘之類稱與是皆就句屬下於義爲重也學者并
詳之

司甲 此序司甲下大夫二人中士八人之屬而今闕也○王氏曰
甲與兵一也周官先司甲而後司兵善費善亦先盾數乃甲
盾數乃干而後言備乃弓矢數乃戈
司兵 乃鋒刃者戎事先自保故也

法以頒之及其受兵輸亦如之及其用兵亦如之此序司兵中士
四人之職也五

兵謂擊刺鈞斬之兵有五也五盾謂舞川建設之前有五也物謂
名物等之言差謂功治上下法謂軍中所用五兵多少之數也受
兵輸謂旋軍之時受所輸納之兵用兵謂行軍而外用以守衛之
兵也按秋官職金之念貨司屬之器隨皆入於司兵而本職不詳
者蓋物等之用受
輸之法統之與 祭祀授舞者兵大喪獻五兵軍事建車之五兵

會同亦如之

無首兵謂玉戚之屬○鄭司農曰五兵戈斧戟首矛
夷矛也鄭氏曰五兵擊兵刺兵鈎兵與新兵二也擊

兵曰戈一也。刺兵一鋒，直出曰鉞，有枝旁出曰戈。左右有枝曰戟。三端曰戣，二也。斬兵長者斧曰戚，鉞曰揚，三也。短者曰刀，曰劍。四也。五兵曰曾，示曰夷，示五也。五盾祭祀朱干以舞一也。小戎詩：「五兵而曾也。」鄭說較詳。蓋凡所用之五兵，異於車之五兵矣。司兵職兼言盾，司戈盾職兼言兵，互文也。雖兼言盾，而其下言授受兵者，七無一及盾，則所言五盾亦攻敵先自保之意也。司戈盾雖兼言兵，亦以戈與盾相連，故及之耳。學者詳之。

司戈盾掌戈盾之物而頒之。

此序司戈盾下士二人之職也。

祭祀授旅賁芘，故士

戈盾授舞者兵亦如之。

戈盾皆授以芘也。旅賁職止言服，而舞者亦文耳。舞者兵謂朱干之類。

旅會同授馭車戈盾，建乘車之戈盾，授旅賁及虎士戈盾，及舍設

藩，慎行則斂之。

乘舍斂，施去聲。王所乘曰乘車，副曰馭車，其設藩皆供車有所用也。虎士，虎賁之屬也。虎賁職

初不言戈盾，旅賁職亦不言介服皆互文。舍，猶芘也。設，藩爲藩衛。如今之法，蘇然斂猶收也。東萊呂氏曰：古者藏兵於廟，大夫家

不藏也。此用兵必取之。顧川命實於祖，不用命戮於社，皆此意也。如鄭莊公授兵於大宮，楚武王授師子之類，此見春秋之制其制尚存。雜說曰：甸出革車一乘，凡甲兵戈盾旂物鼓鐃悉備，鄉盛之，亦簡其兵器是也。而司兵司戈盾司司矢，掌授兵器，非授之民也。授之，謂大夫從軍，旅會同者也。若民兵，則自藏之，民間耳。秦人鈔鈔，欲兵不在民，不知揭竿之夫，乃能亡秦，其與周人藏兵於民之意異矣。明齊王氏曰：凡出軍采邑之公卿大夫，亦各有其兵，盾之屬，故此掌頒者，惟王之革車所授，乘車所建，與旅賁虎士所授及舍所設而餘不及也。

司弓矢，掌六弓四弩八矢之法，辨其名物，而掌其守藏與其出入。

此序司弓矢，下大夫二人，中士八人之職，而總舉之也。法謂長短朔測之屬。中春獻弓弩，中秋獻矢箠。

中，仲同。箠，音服。獻，謂受獻於衆人也。箠，蓋矢箠也。按衆人職，春獻素秋獻成，此不符合者，蓋獻素後弓弩先成，矢箠次之。王氏謂獻素以弓弩爲重，獻成以矢箠爲全，是也。此總言入也。及其頒之，王弓弧弓以授射甲革楛質者，夾弓庾弓以授射豸，侯鳥獸者，唐弓大弓以授學射者，使者勞。

者其矢箠皆從其弓

構音對，音岸，使去聲。○此以下分言其出也。六弓詳見攷工。弓人賦射甲革春秋傳。謂

甲而射之是也。射，湛質下文澤。其射，權質之弓。矢，剛師射則克。拱

實是也。二射皆堅以勁，故弓最強也。射侯五十步，易至。鳥獸亦斯

中而已。二射皆輕以利，故弓稍弱也。學射者養其技，使者養其體。

凡勞於王事者養其力，三射皆安以和。敵弓適中也。從弓者每弓

各一箠。凡弩夾庾，利攻守。唐大利車戰野戰。攻守相迫，近故弩用

百矢也。凡弩夾庾，利攻守。唐大利車戰野戰。攻守相迫，近故弩用

用稍強。無王，孤最強者。弩恒張不弛。往體少，若王孤恒服，弦使矢不疾也。凡矢枉矢，絜矢，利火射用諸

守城車戰。殺矢，鏃矢。用諸近射。田獵，矰矢。蒺矢，用諸弋射。恒矢，痺

矢，用諸散射。

矰，射結反，音增，射音石。○本節多未明，今姑以注

皆弩也。枉矢，取名。變星，飛行有光。今之飛矛矢也。絜矢，象鳥繫之。

言結結火以射也。殺矢，傳藥而射。言中則死。鏃矢，象鳥繫之言。候

候，敵近而射也。結，繳於矢謂之。矰矢，象鳥繫之言。矰，射飛鳥

也。安，恒恒用謂之。恒矢，痺矢。象鳥繫之言。甲，平等而卑也。散射，謂

凡禮射及習射之屬。

天子之弓，合九而成規。諸侯合七而成規。大

餘詳考工記矢人。

夫合五而成規，士合三而成規，句者謂之辨弓。

句，音鉤。天子之弓，即王張也。以往

體寡，故合九弓而成一規。諸侯之弓，即侯大也。以往來體若一，故合七而成規。大夫之弓，即夾棟也。以往體多，故合五而成規。士弓，合三成規，則在六弓之外矣。句，凡祭祀，其射牲之弓，矢，澤，其射，楛，曲，養，意也。諸士弓之爲下也。

質之弓，矢，大射，燕射，其弓，矢，如數，并夾，大喪，其明弓，矢。

射牲，見射人職。澤，澤。

旁習射之地，其中爲宮，射義已射於澤，而後射於射宮是也。燕射，該諸侯及卿大夫之射而言也。比，王與諸侯，卿大夫射皆先燕而後射，但因祭而行者，義不起於燕，而謂之大射，其以燕而行射者，則義在燕，而謂之燕射。故射止有大射，燕射之。禮，以木，觀之，益信，其稱賓射者，乃指大射若燕射之禮。王率諸侯及卿大夫之屬，燕畢行射而言也。舊以賓射對大射，燕射而列爲。禮，理不得通。若使射禮果分爲三，豈可弓矢無大射，燕射之弓，大而獨不供賓射之弓，矢乎。餘詳眠賤及射人如數，謂一弓來矢如射者之數也。并夾，取箭之器，見射鳥氏，明射明器之明也。已，薛氏口射義。天子將射，先習射於澤，澤之射，習大射者也。已射於澤，而後射於射宮，則正大射也。以楛，質習於澤，而知其有勝堅之力，然後以射侯。處之，察其心不濫，正持弓矢，審固而能中者，乃爲有可用之實面。

與於凡師役會同頒弓弩各以其物從授兵甲之儀田弋克籠籠

矢其矰矢

從去聲。○物謂利用之物從猶依也。儀猶法也。克滿也。總貯曰籠。竹爲之分佩曰矰。竹若皮爲之矰矢不言籠。

者恐其亂將用乃供也。

凡亡矢者弗用則更

更平聲。○更猶也。非用而亡矢則償用而亡之則不償也。

繕人掌王之用弓弩矢箠箠

決決同。○此序繕人上士二

善王用須善也。增弋謂以矰矢射也。決一名強以骨爲之。善於右手大指以鉤弦也。拾一名攆托以韋爲之。善於左臂裏以遂弦也。掌詔王射贊王弓矢之事。

詔者告以射簡籍者。佐大僕授若受也。

凡乘車克其籠

籠載其弓弩

凡王車皆有車右。乘故爲克而載之也。克盈也。籠猶受言載之之義。謂抗之也。

既射則斂

之無會計

亦推王不

橐人掌受財於職金以齎其工

橐貨同。○此序橐人中士四人之職也。橐全司冠之屬齎之言給給

百工使市物料也。

弓六物爲三等弩四物亦如之矢八物皆三等箠亦如

之春獻素秋獻成書其等以發工乘其事試其弓弩以下上其食

而誅賞乃入功於司弓矢及繕人

上上群○弓六物即王佩夾版唐大也弩四物即夾版唐大也

矢八物即枉絮殺銀精蕪栢痺也三等謂上中下之人所用之等弓八職上士服上制中士服中制下士服下制是也素猶樸也形法定爲素飾治甲爲成也等即三等也饗謂酒殺勞之也乘猶因也事謂師田之屬試者用而效之也食相食也誅賞也功善則上其食且乃賞之不善則反是也物皆入於司弓矢其善者則入於繕人以供王也○按書其等明承上三等之制而先鄭云書工高下之等以制其饗食也後鄭云上功作上等其饗厚下功作下等其饗薄也則於上下文皆失矣夫獻之時第書其三等之物而饗饗之由是因事以試則善惡見工拙定矣此所以凡齎財與其出入皆在彙人以待會而效之亡者闕之

結言齎財與弓矢弩箠之出入也闕除也有亡彙者

則於簿書開除之此專謂弓矢弩箠也

戎右掌戎車之兵革使

使去聲○此序戎右中大夫二人上士二人之職也按巾車職革路以即戎謂之戎

車其木路以田謂之田車而諸右不及田車者蓋歸田亦以革路其義統之矣兵革使疏謂介而執戈盾且充軍中使令也諸右皆右前車持馬陪乘諸侯介而不及者戎事尚武故但言掌戎車之兵革使而陪乘從省文其餘儀則戎侯掌之也詔贊王

鼓傳王命於陳中

陳去齊○詔贊者詔且贊之也凡戎車將居中

以當鼓之節而因與大僕助擊其餘會同克革車盟則以玉敦辟也傳猶宣也軍聲譟大言以宣之矣

盟遂役之贊牛耳桃茢

效音對聲音闕茢音列○會同以金車亦

車是也其持馬陪乘諸侯皆齊右掌之矣以革車則戎僕職所謂兵車之會也其陪乘則戎右實克之言克者明非其本職也辟開也彼之謂其彼也凡盟以玉敦盛牛血戎右執之以獻書開衆心而遂授於凡當捕者若供役然也牛耳謂割取其血也必以耳明順聽也茢謂帶也主盟者割耳盛於珠盤自執之而皮右執敦血以桃條茢拂除不祥乃辟盟焉是皆助之也

齊右掌祭祀會同賓客前齊車王乘則持馬行則陪乘

齊同齊陪乘之乘去

聲下職並同○此序齊右下大夫二人之職也玉路以祀金路以賓皆必齊故統謂之齊車前車自未乘而言持馬自方乘而言陪

乘自既乘而音凡有牲事則前馬前馬猶言前車王見牲則拱而式彼下
式齊牛按三右職皆同而戎右畧於儀者戎僕掌之也齊右獨
闕於傳命王平仲以爲禮法之地王肅穆無言者得之且諸僕皆
掌副車之政獨齊僕
闕其文焉亦此意也

道右掌前道車王出入則持馬陪乘如齊車之儀此序道右上士

路以朝以明治道也故謂之道車自車上諭命於從車從去聲下同○從車見擊

也詔王之車儀王式則下前馬上下則以蓋從車儀如記立視五

也對殿之類齊右亦然音文也式則下前馬猶

凡有牲事則前馬互文也以蓋從表餘也

大馭掌馭玉路以祀此序大馭中大夫一人之及犯輅王自左馭

馭下祝登愛轡犯輅遂驅之及祭酌僕僕左執轡右祭兩軹祭軹

乃飲轡音跋祝音呪轡音止祝音凡俗作軌誤○輅祖祭名也犯

謂操也將出於國門外封土爲山象以告芻若棘者柏爲

神主祭以酒脯既祭乃以車轆之而去取跋履山川之義故名爲
轆聘禮舍轆飲酒於其側禮家謂之道祭是也祭謂祭穀末之軋
若軋前之軋也侯帥謂大馭也將跋祭大馭下車祝神王代之馭
祝既畢祭受壘王以酒酌之大馭乃以左手受壘右酌酒祭軋若
軋然後乃飲而犯軋今言受壘犯軋在先而祭飲反在後凡馭路
者先約衆之也○疏曰此據郊祭之時故有犯軋之祭凡馭路
行以肆夏趨以采芻凡馭路儀以鷩和爲節養音巷○凡馭路註謂總五路而言行謂

大寢至路門處謂路門至應門也肆夏采養皆樂章名鷩和皆於
名鷩在衝和在軋馬動則鷩鳴鷩鳴則和應故奏樂章以節行趨
而又聆於聲以合其節也○王氏曰行欲舒歌肆夏以節之趨欲
齊歌采養以節之人與車之疾徐皆然此樂師教樂而奏其章大
馭馭車而應其節也行趨有馭馭之聲鷩鳴於左右軍之行趨
又有和鷩相應於和軋所以養王聰明而非僻之心無自入矣
戎僕掌馭戎車此序戎僕中大夫二人之職也如諸侯職當云掌馭革路以節戎齊音文也掌王倅車

之政正其服謂謂之倅服謂掌弁服也犯軋如玉路之儀凡巡守及兵車之會

亦如之守符同○兵車謂言兵車亦謂革路也總符乘革路會同則兵車之會乘革路乘車之會乘金路亦如之者如其犯

轅也掌凡戎車之儀凡戎車兼革車以帥戎及趨持會同之革車面言也一云謂王以外之戎車皆稱武王戎車二

百兩是也二

齊僕學馭金路以賓

此序齊僕下大夫二人之職也賓專稱齊僕說見序官

朝覲宗遇饗食

皆乘金路其法儀各以其等為車送逆之節

朝音潮食音嗣○逆也等謂爵也王乘

車送逆其遠近以爵等為節也諸路皆有副稱大馭齊僕不言副蓋省文與按賓祭與朝相通少儀註朝祀之副通曰流戎田之副通曰佐也○疏曰春朝夏宗則逆賓大行人云王公之禮其朝位賓主之間九十步侯伯七十步子男五十步是也秋覲冬遇無逆賓法郊特牲云覲禮天子不下堂而見諸侯是也今朝覲宗遇饗食皆乘金路以逆者謂因朝覲宗遇而與諸侯行饗食於廟即各有乘金路送迎之法也

道僕學馭象路以朝夕燕出入

句其法儀如齊車

齊音同○此序

二人之職也早朝曰朝暮朝曰夕燕猶燕息之燕以朝夕者謂視朝於治朝及聽政於燕朝以燕出入者謂入息於小寢及出適於

刑院法儀謂燕飲之法儀也。禮與食皆於廟而燕於寢故其逆送之儀亦如齊車以其等為節也。掌貳車之政令。貳亦副也。

田僕掌馭田路以田以鄙。此序田僕上十有二人之職也。田路為木輅稱田路變文也。以鄙謂循行縣

鄙。掌佐車之政設驅逆之車。今獲者植旌及獻比禽。比音遊。設者於佐車外特設之矣。驅獸使之前逆獸使之返故名驅逆之車。或亦稱佐車者散交通也。植樹也。樹旌以告獲禽也。比次也。獻禽時次其種物以數也。疏曰天子尊故戎車之獸名倅田車之獸名佐諸侯卑戎車田車之獸同名為倅無倅名也。是以禮弓云戰於乘丘公隊佐車段綏少儀註亦云朝祀之制曰武戎田之制曰佐也。又王制云大夫殺則止佐車佐車止則百姓田獵被所謂佐車即此驅逆也。凡田王提馬而走諸侯晉大夫馳。提舉也。臨川王氏曰之車矣。凡田王提馬而走諸侯晉大夫馳。提者飾之也。晉則進之馳又亟進之尊者安舒卑者速也。劉氏曰諸侯晉大夫馳所以佐佑翼禽致獲於王也。王氏曰戎車之副謂之倅者若象子之倅其轡以備卒也。有時而佐焉田車之副謂之倅者如臣之佐君常佐之也。道車之副謂之倅者如世子之倅其父謂之儲。亦有

於佐車外特設之矣。驅獸使之前逆獸使之返故名驅逆之車。或亦稱佐車者散交通也。植樹也。樹旌以告獲禽也。比次也。獻禽時次其種物以數也。疏曰天子尊故戎車之獸名倅田車之獸名佐諸侯卑戎車田車之獸同名為倅無倅名也。是以禮弓云戰於乘丘公隊佐車段綏少儀註亦云朝祀之制曰武戎田之制曰佐也。又王制云大夫殺則止佐車佐車止則百姓田獵被所謂佐車即此驅逆也。凡田王提馬而走諸侯晉大夫馳。提者飾之也。晉則進之車矣。凡田王提馬而走諸侯晉大夫馳。提者飾之也。晉則進之馳又亟進之尊者安舒卑者速也。劉氏曰諸侯晉大夫馳所以佐佑翼禽致獲於王也。王氏曰戎車之副謂之倅者若象子之倅其轡以備卒也。有時而佐焉田車之副謂之倅者如臣之佐君常佐之也。道車之副謂之倅者如世子之倅其父謂之儲。亦有

故乃攝而代之也。

馭夫掌馭馭車從車使車分公馬而駕治之。

從使並去聲。○此序馭夫中士二十人下。

士四十人之職也。然車通謂諸僕容車馭車佐車之屬對文則分倅或佐散文則通名。馭也。從車卽道右馭從王之車使車凡奉使之車皆公車故皆分公馬駕治也。詳見馭馬。○王氏曰自大馭至田僕皆王五路之馭者也。馭夫則馭其馭車從車使車而已。馭車則五路之副也。從車公卿大夫從於王之車使車使令於王之車車既衆故其員亦多也。

授人掌王馬之政。

此序授人中大夫二人上士四人下士十有六人之職而總舉之也。六廢成授故名授人辨。

六馬之屬種馬一物戎馬一物齊馬一物道馬一物田馬一物騶

馬一物

種上聲下同齊同齊。○馬極善曰種卽駕玉路者。馬書曰騶乃給凡役者。戎齊道田並見上一物謂以類相從也。

戎田皆齊力而田次於戎齊道皆齊色而道次於齊。凡須良馬而種則色力俱善。騶則色力俱下。此首言物類之辨也。凡須良馬而

養乘之乘馬一師四圉三乘爲阜阜一趣馬三阜爲繫繫一馭夫

六繫為殿殿一僕夫六殿成技技有左右駕馬三良馬之數歷馬

一圉八歷一師八師一趣馬八趣馬一馭夫乘馬之乘去聲殿廄同三八字註作六

頌者頌之僕馭以下也委謂飼秣乘謂教習師即圉師圉即圉人

進即趣馬僕夫即大馭至田儀左右二技即技人中大夫二人也

三良馬之數謂駕之一物視良之一物三倍也馬四匹曰乘二匹

曰歷駕無僕夫者克雜役不駕於五路也乘馬至僕夫自良馬而

言歷馬至馭夫自駕馬而言六殿至左右通良馬駕馬而言此六

言養乘之職也○註曰乘馬一師至六繫為殿其數二百一十六

匹易軋為馬軋之數二百一十六此應軋之策也天子十有二殿

馬六物良馬五物物各二殿五物共十殿計二千一百六十四駕
馬一物二殿其數三良馬之數每殿計六百四十八匹二殿計千
二百九十六匹良馬合計凡三千四百五十六匹也駕耦也八歷
一師至八趣馬一馭夫其數與三良馬之數不相應按八皆宜為
六字之誤也六歷一師則十二匹六師一趣馬則七十二匹六趣
馬一馭夫則四百三十二匹適符良馬一物之數然後從而三之
為千二百九十六匹此謂駕馬三良馬之數也林氏曰成周馬以
民牧者如丘甸歲取馬四匹之類平時則給芻牧有事則供召甞
然在天子之都諸侯之國士大夫之家未嘗不養之於官何以知

之周禮天子十有二閑先儒論數不過三千餘匹而衛文公末年
馬至駟牝三千若以制論之術以諸侯之國又當殘亂之餘安得
遽如成周全盛時乘馬之數蓋所謂天子十有二閑是養之於官
者文公之駟牝三千與齊景千駟同稱以爲僭侈夫詩人美之推本
以衛文駟牝三千與齊景千駟同稱以爲僭侈夫詩人美之推本
於秉心寡欲絕無譏之意則林駟爲富而陳氏蓋宋之致也因
致漢之養馬有五監六廄而武帝之時馬至四十萬唐置八使五
十六監麟德間馬至七十萬開元間至四十五萬而周天子之馬
不過三千四百五十六匹者漢唐行軍之馬一出於公周制六軍
之馬出於民而技人所養者特給公家之用藏今觀鄉遂之官以
時辨其馬牛之物登其六畜車贊則周家之馬政可知而亦可無
疑於衛文之三干矣愚按釋文言十二廄每廄當馬二百一十六
匹未言每物幾廄也而註乃謂良馬一物二廄馬當四百三十二
匹經文六廄成技技有左右承良馬之下言之也而註兼以指良
馬且其言馬三良馬之數亦未嘗言三倍良馬一物之數也而
註乃以良馬一物有四百三十二匹三倍之則千有二百九十六
匹而因疑八之當爲六凡此者蓋以天子十二閑是爲十二廄數
當如此若十二廄皆良馬而馬三其數則良馬共萬三千八百
二十四匹爲三十六廄卽不符天子十有二閑之數矣故註以左
右六廄爲良馬之通數一物約當二廄而駟之爲一物之數視良之

一物約天子十有二閑馬六種邦國六閑馬四種家四閑馬二種

三之也閑以防馬木爲之廐爲一閑十二廐凡三閑各閑者閑有閑防閑

習之義杜不善以進於善也六種以下未詳舊謂六種卽種戎齊

道田鷩之六物四種謂道齊田鷩之四物二種謂田鷩之二物十

二閑六種者六物各爲二閑也六閑四種者道齊田三物爲三閑

鷩一物三其良而三閑也四閑二種者田一物爲一閑鷩一物亦

三閑也按天子鷩之一物三倍良之一物然其良與鷩皆一物爲

二閑而已今諸侯大夫不應良之一物各一閑而鷩之一物皆三

閑且卽如此亦直云六物四物二物耳何又變云六種四種二種

耶或謂種之言類以類養之也十二閑六種者六物各二閑物
爲一種以養之六閑四種者六物各一閑種一物爲一種道齊
二物同一種戎田二物同一種鷩一物爲一種以養之四閑二種
者道齊田鷩四物各一閑而道齊田三物爲一種鷩一物爲一
種以養之也其說視註爲正且閑爲教習之式種爲一物爲一
飼秣之宜於養乘意相合也此又言尊卑之等也凡馬特居四
之一春祭馬祖執駒夏祭先牧頒馬攻特秋祭馬社臧僕冬祭馬
步獻馬講馭夫

特之言杜先鄭謂三牲一牲也必三牲者廣羣生也其特少於牝者蓋牝者選爲犧牲之屬與馬祖

謂天駟星也。執拘也。春時通淫求馬蕃息故祭馬祠而駟血氣未定故執之無今近北也。先牧謂始養馬者。攻治也。夏草茂可牧故祭先牧而頒馬而牝馬方孕故又攻特使遠之也。馬社謂始乘馬者。賦善也。秋馬壯始可乘故祭馬社而僕馭五路之馬尤當善故。祇之馬步註謂鬼神能善馬者。王氏謂行神也。講習也。冬大閱故祭馬步獻成於王。而凡馭夫乘車從車使車之馬皆當習故辭之也。凡大祭祀朝覲會同毛馬而頒之飾幣馬執卦而從之凡賓客

受其幣馬

朝音潮卦音模○毛音齊其色也。飾謂飾以樊纓之屬與幣同薦故辨幣馬其策也。皆祀朝所服乘薦贈故或

頒之或從之受者

受庭實所陳也。大喪飾遺車之馬及葬埋之田獵則帥馭逆之

馬遺去聲○遺車之馬謂馭馬也。帥猶將也。田獵設車而接人馭馬而帥之也。

凡將事於四海山川則

飾黃駒凡國之使者其幣馬

使去聲○飾駒以狎沈猶郊之用猶黃者土色也。俱謂馬謂使者

所私凡軍事物馬而頒之

物者音其力也。等馭夫之祿宮中之稍食。稍去

音嗣○祿稱等馭夫以下凡有祿者統之矣。稍食等亦如之謂師罔及府史以下也。稍宮中者王馬有養乘於內也。

趣馬掌贊正良馬而齊其飲食簡其六節

此序趣馬下士每阜一人之職也贊贊校人也

謂其羸僕講馭夫助而止之也六節行止進退馳驟之節也皆以類齊之簡之使其養備法則即校人職十二閑六種六閑四種四

閑二種掌駕說之頒辨四時之居治以聽馭夫

說音稅○駕說之頒均其力也四時

之居治應其候也居謂牧房廄閑之所治謂執駒攻特之屬聽馭夫惟所役也○劉氏曰辨四時之居治者二月之後盛陽處外則

在牧而有廄八月之後陽在地中則在廄而有閑也

巫馬掌養疾馬而乘治之相醫而藥攻馬疾

用去聲○此序巫馬下士二人之職也王

氏曰乘以治之猶天官獸醫觀其所養而養之也醫馬以藥醫爲主巫馬并其屬有醫四人凡以相醫而已藥攻猶瘍醫以辨藥攻

也受財於校人馬死則使其買鬻之入其布於校人

買音在鬻音育○受財以

資醫鬻也鬻賣也布亦財也

牧師掌牧地皆有厲禁而頒之

此序牧師下士四人之職也牧地泉甘草美之處如汧渭之區華山

之賜是也。猶之授圉人也。

孟春焚收中春通淫掌其政令。

中春同。○焚牧使勾萌茂也。通淫使孽息。

春乃合聚牛馬遊於牧者。秦時嘗也。秦地寒涼。薄物後熟。凡

日事贊焚萊。

贊者贊山。虞澤虞也。

廋人掌十有二閑之政。教以阜馬佚特。教馳攻駒。及祭馬祖。祭閑

之先。牧及執駒。散馬耳。鬪馬。

鬪音先。○此序廋人下士每閑二人。之職也。阜馬鬪秣以時使壯盛也。佚

特乘用有節使休息也。馬三歲曰騊。二歲曰駒。教騊使習其馳。驅也。攻駒先治其蹄齧也。散馬耳以竹括抑其耳項而無動搖。鬪馬以圍就其牢籠而無縱逸。餘見按人。正按人員。選馬八尺以上為龍。七尺以上為騊。

六尺以上為馬。

員選猶言善選。按人上選馬而度人先為差。正也。八尺以上。月令所謂駕蒼龍也。七尺以上。詩所謂

騊北三千也。六尺以上。常馬耳。以按人六馬之物。於輶人三馬之度。推之。蓋龍八尺以上。為駕玉路之種。馬駕金路之齊。馬駕革路之戎。馬皆為國馬。騊七尺以上。為駕木路之田馬。馬六尺以上。為給凡役之駕馬。此所以國馬之駟深四尺七寸。田馬之駟深四尺。

馬之朝深三尺三寸與○郝氏曰按人總馬政擇馬全善者俾
王路之用也鄭謂按人員選爲師閭而選擇可備員者平之其說
恐非平仲王氏曰員選之下卽繼以八尺以上等句郝說爲長但
員字無着落耳愚按王氏奉之上下文郝義始定然仍以員字爲
疑何也攷字書員一訓周當爲完善之意按人之擇善選趣馬實
此贊正之而瘦人先差而正之地經文以八尺以上等句繼之者以

國師掌教圉人養馬

此序圉師良馬乘一人之職而駕馬八羸一人亦如之也

春除孽費廩始

牧夏序馬冬獻馬

除音序辰音說○除孽者冬寒藉馬以養至春

始牧者春草茂始出牧也廩廩也房馬者春出就牧夏庇之使涼也獻馬者從按人獻於王也封則克棋質茨牆

則剪鬮

棋質木爲之鬮草以代侯苦謂之鬮剪草以作蓋也此因芻牧類及之也

圉人掌養馬芻牧之事以役圉師

此序圉人良馬匹一人駕馬麗人之職也芻以飼馬牧以散

馬凡賓客喪紀牽馬而入陳獻馬亦如之

賓客之馬客就館時所服喪紀之馬循朝廟時

所薦故皆牽而入陳也獻馬謂接人所
飾運車之芻馬蓋亦人捧之而牽之矣

職方氏掌天下之圖以掌天下之地辨其邦國都鄙四夷八蠻七

閩九貉五戎六狄之人民與其財用九穀六畜之數要周知其利

爭爭貉猶同○此序職方氏中下大夫十二人中士十有六人之職

也邦國謂侯國都鄙謂采邑及凡公邑東夷南八蠻東南七

閩東北九貉西五戎比六狄皆據以時所服而言也人民卽下文

二男五女之類財用卽金錫竹箭之類九穀卽稻麥之類六畜卽

馬牛之類數要謂書之綱且利通謂財用以下害則神姦不若之

爲也凡此必辨而周知之者將爲天下去害而圖利也○浚儀王

氏周步氏六人司能以天下土地之圖周知九州之地域而辨其

邦國都鄙之數若職方氏所掌不特九州之邦國都鄙而已凡中

國夷狄皆爲九蠻皆圖而辨之故乃辨九州之國使同貫利也貫事

曰掌天下之圖以掌天下之地也云通也辨其利而通暢之也承上文周知利害之意而推言九州

之國之利以起下文也○鄭氏曰職方掌天下之地圖辨九州之

國宜彈精於險固之守矣乃其職在辨人川之數要任人民萬物

阜財節用使同貫利而已藏用於無形是王道也制其職以所能

不強其不及制其貢以所有不東南曰揚州其山鎮曰會稽其澤

強其所無注於生民是王道也

岐曰具區其川三江其浸五湖其利金錫竹箭其民二男五女其

畜宜鳥獸其穀宜稻此以下歷明九州之國之利之實也山能興

屬會稽是也水滯而不流曰澤湖而不治曰藪具區禹貢謂之震

澤今蘇州府太湖是也水流而趨海曰川三江見禹貢秦傳謂婁

江東松江松江是也水爲陂而灌漑曰浸五湖諸說多駁惟史記楚

姑蘇梁五湖正義謂爲遊湖莫湖貢湖葭湖行湖董太湖東岸五

湖者近之屬經說亦畧同其張勃吳錄謂五湖卽太湖以其周五

百里故名虞翻謂其通五道故名春秋吳越戰於五湖注亦謂卽

今太湖也然只一太湖而旣以貢澤藪之具區又以實浸之五湖

可乎韋昭謂五湖爲胥湖蠡湖洮湖濞湖太湖義興記謂爲太湖

射湖苕湖陽湖洮湖或又謂爲太湖射湖貴湖上湖洮湖苕湖是

雖歷稱諸湖而太湖亦列其中其謬等也攷然姑蘇以望五湖於

姑蘇蓋不遠而廣輿記稱三江五湖皆在吳南原委相屬則三江

旣因派別五湖之分派於湖義當如之且鄭註浸可爲陂以溉本

爲灌漑之義其於太湖東岸五派義正杜谷自劉氏訓浸爲深積

或淵面或遂以太湖實之則得矣學者以正義參之可也竹大曰

竹小曰箊二男五女通一州計之餘傲
此鳥狀謂鳥獸之可畜者稻香粒也 正南曰荊州其山鎮曰衡

山其澤藪曰雲膏其川江漢其浸潁湛其利丹銀齒革其民一男

二女其畜宜禽獸其穀宜稻 晉夢同潁音郭○衡山南嶽也在湘南潭州雲在江北魯在江南今江夏

安陸華容枝江皆其地也江出岷山漢出嶓冢潁未詳杜註春秋傳劉定公勞趙孟於潁水出陽城楚公子芾及晉戰於潁水出昆陽易氏謂二水皆潁州恐有脫誤也按古今水道有異且州城亦多不同凡各州疑者宜更以薛氏攷之丹朱砂也銀白金也齒象齒也革獸皮也禽猶鳥也 河南曰豫州其山鎮曰華山其澤藪曰圃田其川

榮雒其浸波澨其利林漆絲枲其民二男三女其畜宜六擾其穀

宜五種 華去聲雒洛同澨音詐圃上聲下同○豫州在大河之南故稱河南華山西嶽也 在華陰縣圃田在中牟縣榮水在

榮陽縣雒在洛陽縣波澨註謂春秋傳楚子除道梁澨宜屬荊州黃氏按水經波出魯陽縣霍陽山即今梁縣澨出隨縣黃山南南流入波通典及寰宇記皆以爲梁澨註始未攷與六擾即六夫六牲以馴擾可畜名爲擾也五種註謂黍稷稻麥菽也 正東

曰青州其山鎮曰沂山其澤藪曰望諸其川淮泗其漫沂沭其利

蒲魚其民二男二女其畜宜雞狗其穀宜稻麥林音蓮○沂山在

孟諸在睢陽淮出胎簪山至淮浦入海泗出濟陰乘氏至零陵入

淮沂出沂山沭出東莞屬郯城並至下邳入泗疏曰按禹貢云海

岱及淮惟徐州又云淮沂其又今皆河東曰兗州其山鎮曰岱山

在青州者周以徐地入齊地蒲水草其澤藪曰大野其川河泲其漫盧維其利蒲魚其民二男三女其

畜宜六擾其穀宜四種泲濟同盧維註作雷雍類師古黃氏並如

字○兗州在大河之東故稱河東岱山東

嶽也大野在鉅野河源發於崑崙至兗之大隋橋爲九河泲發於

王屋至兗會於汶盧維註謂禹貢兗州無二水盧作雷維作雍即

禹貢雷夏既澤澤泲會同也黃氏謂澤水出密州高密縣濰山北至

濰州昌邑縣入海水經盧水出密州諸城縣盧山西北入濰註說

非矣四種註謂正西曰雍州其山鎮曰嶽山其澤藪曰豷蒲其川

豷稷稻麥也

涇洧其漫渭洛其利玉石其民三男二女其畜宜牛馬其穀宜黍

稷雍去聲。內音苜。○欽山吳嶽也。與弦蒲皆在汧陽。司農曰。弦蒲或爲汧浦。涇出涇縣。汧出汧源。渭山南谷。山東會於涇。涇洛出冢嶺。山自熊耳東北會於關。源汧隴西多美玉石。東北曰幽州。其山鎮曰醫無閔。其澤曰

曰獫狁。其川河泚。其浸蕃時。其利魚鹽。其民一男三女。其畜宜四

擾。其穀宜三種。獫狁讀爲奚。菴音滯。○醫無閔在遼東。獫狁在長廣。地志云。今萊陽有獫狁。養津川同兗州者。二州相

連。皆河泚所經也。舊出萊蕪。時出般陽近海。故河內曰冀州。其山多魚鹽。四擾三種。註謂馬牛羊豕黍稷稻也。

鎮曰霍山。其澤曰揚紆。其川漳。其浸汾潞。其利松柏。其民五男

三女。其畜宜牛羊。其穀宜黍稷。紆音迂。○冀州東西南三面距河。故稱河內。霍山在冀陽。紆未詳。一

云在霍州。漳出長子縣。汾出汾陽。潞出歸德地。多山。故多松柏。正北曰并州。其山鎮曰恒山。其澤

曰昭餘祁。其川虜池。嘔夷。其浸冰易。其利布帛。其民二男三女。

其畜宜五擾。其穀宜五種。虜讀作虜。嘔音韻。○恒山比歲也。在上曲陽縣。昭餘祁在虜虜池。出幽城。嘔夷

出平舒。涑出廣昌。易出故安。地宜蠶績。故多布帛。五擾。註謂馬牛
 羊豕犬也。○丘氏曰。冀。青徐揚荆豫梁雍。此禹貢之九州也。冀
 豫雍梁皆揚。兗荆徐。此爾雅之九州也。揚荆豫青兗雍梁。并此
 職方之九州也。禹治水於唐。而作禹貢九州之名。舊矣。舜時。肇十
 有二州。分冀爲幽并。分青爲營夏。復爲九州。爾雅九州。蓋尙制與
 周九州與禹貢不同。周都雍。王畿宜廣。梁山多險阻。故合梁雍爲
 一州。徐地隘。故青兼之。唐虞都冀。地壤最濶。令虜多在。其內故冀
 州。分幽并也。明齊王氏曰。禹注於治水。幽并營皆北方。廣冀之地。
 羅木患少。故禹貢九州。幽并統於冀。營統於青。至周有幽并。無徐
 梁。故淮沂與大野。在禹貢爲徐州之川澤。而職方氏之青州。其川
 淮泗。其浸沂沭。兗州。其澤大野。是以徐而入青。兗又華陽。在禹貢
 爲梁州之山。瓊巖。祭磬爲其貢。而職方氏之豫州。其山華山。雍州
 其利玉。石是以梁而入雍。豫此周之九州。與禹貢異也。薛氏曰。禹
 貢與職方界不能無侵入者。如職方冀小於禹貢。以別分冀爲幽
 并。如舜時也。職方以青兗而包徐。故青州多入禹貢之豫。而兗州
 多入禹貢之青。職方有冀而又有幽并。故幽州多入禹貢之青。徐
 而冀多入禹貢之燕。大抵周以夏之冀爲三。以餘八州爲六。勢不
 能如禹舊也。後鄭謂賴在陽城。宜爲豫。不宜屬荆。差在楚。隨之關
 宜爲荆。不宜屬豫。是改經之意也。先鄭以青之淮。當爲睢。沭當爲
 涑。直謂宋有次睢。魯有涑。泗耳。曾不知青之包徐也。以雍之豉蒲

制以明建邦定賦之實也。九服即大司馬。凡邦國千里封公以方

五百里，則四公；方四百里，則六侯；方三百里，則七伯；方二百里，則

二十五子。方百里，則百男。以周知天下。凡邦國千里，謂一州。方千

里，則方三百里者，可十一國；有奇，子則方二百里者，可二十五國。

男則方百里者，可百國。此條地制已見大司徒。今又推一州之封

數如此，以知天下地。○疏曰：夏殷公侯伯子男五等受爵百里七

十里五十里三等受地。武王伐紂，因之九州之界尚狹，故也。至周

公相成王，遷大九州五等爵五等受地，則此所云者是也。註謂周

九州之界方七千里，以此然註又謂設法以待有功而大其封者，

周於殷三等地皆益滿百里，其公持有功乃益滿五百里，侯持有

功益滿四百里，以下約如之。若無功，縱爵是公地只百里也。朱子

語錄曰：向來陳君舉進制度說，周禮封疆方五百里，是周圖五百

里，德只百二十五里，方四百里，德共有里方三百里，只七十五里，

方二百里，只五十里，方百里，只二十五里，自奇其說與王制相合。

然本文方千里之地，以封公，則四公以封侯，則六侯之類，其地已

有定數，此說如何可通？倘問孟子與王制周禮何以不同，曰：此也。

難效然畢竟周禮的是周禮經聖人手必不會差孟子時典籍已亡想是沒理會如齊東至海西至河南至穆陵北至無棣穆陵近徐州無棣今棣州也這中間多小瀾豈是百里又問鄭氏謂王制是夏商制中國方三千里周公斥而大之中國方七千里所以不同如何曰鄭氏只文字上說得好看然其不曉事情且如百里國增到五百里須併四箇百里國方做得一國其所併四國又當裂地封之如此則天下諸侯東遷西移改立宗廟社稷皆爲騷動矣若如此遷去不數大國便無地可容了許多國何以處之恐不其然武王當時封許多功臣之國緣當初滅國者五十得許多空地可封不然則周公太公亦自無安頓處孟子百里之說亦是大編如此說不是實皮見得古制也愚按周室班國之制多不可曉據武成列爵五分土三是因也據本職及大司徒列爵五分土五是因也看來聖人革命而封諸侯合是因革相參如當時滅國五十以其懿親元勳其餘自皆因殷到其後有功當增或有以罪廢革之地又或有開田相接如賜首侯潁原之類當畧如鄭氏大其封之說而其雖有功而或格於地不得廣者則或但加幣賞以待之又或別封其支庶於所在與此在情勢當有然但此等要可指數而非必如其斥大九州小國皆益滿百里及有功各加增廣之謂也朱子之說盡矣其所謂併四箇百里國方做得一五百里國亦自其程數而言若以開方法計之直須併二十五箇方百里之

國方做得方五百里。凡邦國大小相維。王設其牧，制其職，各以其

一國也。學者并詳之。

維繫也。使大國比小國，事大各相維繫也。牧，謂設州牧以統理之。即王制百

一十國以爲州，州有伯也。制定也。職，即其君卿大夫士也。貢，謂九

貢也。制，職不以所不能，而君臣各得其理。制貢不以所不有，而上

下各得其分也。○雜說曰：三代牧守更代，諸侯世襲，權皆出於上。

如周初時，荆州牧蔡叔，其後則申侯、豫州牧管叔，其後則虢公、周

公君陳、畢公、造、賁、東、郊、宣、王、中、與、但、理、會、牧、伯、而已。故韓侯在韓

召虎在淮，申伯在荆，方叔在齊，漢諸侯王自景武後，若寄若然。至

唐藩鎮，則舉所謂五侯九伯，汝實征之。王將巡守，則戒於四方曰：

各修平乃守，攷乃職事，無敢不敬。戒國有大刑及王之所行先道。

帥其屬而巡，戒令王殷國亦如之。

巡守之守，去聲。上職同。殷國之國，當作同。文誤也。○此又因明

巡守殷國之制以結之也。平，正。攷，首。先，前也。巡，猶察也。侯既集而

帥，察向者之戒也。殷之言，庶也。衆也。國當作同。謂庶國同來朝也。

禮十二歲王一巡守庶國。若不巡守庶國，則庶國同來朝謂之殷

同王巡守庶國。即大行人掌客諸職所言王巡守殷國是也。不建

守而庶國同來朝卽大宗伯嚴見曰同及本職王嚴同亦如之是也註不審此文誤同爲國而直以嚴國作嚴同因并以大行人掌客等職所言巡守嚴國之一事誤分爲巡守與嚴國之二禮則惑甚矣夫掌客所言巡守嚴國君膳以牲饋之屬蓋王往巡庶國而庶國待王之禮也其王合諸侯而享禮則庶國同來朝而王待無禮之禮也若以巡守嚴國分爲二禮豈有庶國來朝王不享侯侯反膳王以饋而與巡守等禮者乎餘詳大行人掌客亦如之者如其戒令巡察也○王氏曰王巡守則諸侯各朝於方嶽之下故戒於四方也修平乃守則諸侯所守之士致乃職事則諸侯所治之職故曰巡守者巡所守述職者述所職也疏曰王有故不巡方則春東方盡來夏南方盡來秋西方冬北方

如之王各爲壇於國外行朝覲盟職之法

土方氏掌土圭之法以致日景以土地相宅而建邦國都鄙

景古影字

相去聲○此序土方氏上士五人下士十人之職也土圭之法見大司徒此則掌而行之也土地卽大司徒所謂土其地斜度也宅居也謂度地而以辨土宜七化之法而授任地者土宜之法亦見相其可居也以辨土宜七化之法而授任地者土宜之法亦見法見草人此謂以其王巡守則樹王宮樹立也王所舍則法授任地之人也王巡守則樹王宮爲之樹藩籬也

懷方氏掌來遠方之民致方貢致遠物而送逆之達之以節治其

委積館舍飲食

委積而去委。○此序懷方氏中土八人之職也。來

六服之常貢遠物謂蕃國及其外之進獻致者使之自至也。此皆懷於未至也。達人民以旌節遠貢物以擊節委積以供之。館舍以安之。飲食以接之。皆送逆之且此則懷於已至也。○劉氏曰遠人不服則修文德以來之。懷萬方以成化者聖王事也。遠人既來則懷方氏掌其送逆道路之治而開之以道德仁義之化悅之以聖人中和禮樂之教。陳之以位天地和陰陽之本感之以。生育之義。是以使之心懷誠服。踴躍於內向而不知其已者也。愚按本職以下皆中書所謂懷諸侯柔遠人之道。通中外而言也。而明齋王氏謂方貢爲六服以外之蕃國在貢獻之數者其遠物若越裳肅慎國尤遠不在貢獻之數者則舍近而專言遠矣。然致秋官大行人六服乃有常貢其外蕃國則世見時以所貢貢爲擊而已。方貢宜如疏說爲六服之貢。夾貢言方不言遠。例以土方合方訓方。形方之各方字亦不應舍近而專言遠耶。

合方氏掌達天下之道路通其財利同其器械壹其度量除其怨

惡同其好善

惡好並去聲。○此序合方氏中士八人之職也。達者使往來無阻。通者使有無相濟。同者使輕重多寡不

異。壹者使長短大小皆齊。相怨相惡者除之。使無侵虐。相好相善者同之。使相堅固。○鄭諤曰：王者之心未嘗不欲九州共貫也。然道或指絕。利或不通。器用或不齊。人或私所好而異。所惡故命合方氏以合其不合者。為質人同應量。壹淳制則所同者一。市之中舉天下而同之。王者大一統於無外。實本諸此。

訓方氏掌道四方之政事與其上下之志。誦四方之傳道。

此序訓方氏中

士訓人之職也。道言也。誦四方諸侯大為政事與其君若臣之志。皆言於王也。誦讀誦也。誦四方所傳說往古之事。又誦於王也。此皆以通四方。正歲則布而訓四方。而觀新物。布猶相布之布。觀納賈之屬是也。於更始之時。以所道所誦之善者布而訓之。令民得以聞正言。見正道。而且觀新物之所出。以察其好惡而正之。此因以正四方。使無偏也。

形方氏掌制邦國之地域而正其封疆。無有華離之地。使小國事

大國大國比小國

華註讀作佩今從王氏讀作花比音避○此序

註謂華猶邪也離猶絕也小大如子男爲小公侯爲大又五等

相小大也事不慢也比不侵也○疏曰形方氏注知四方土地形

勢故使宰作邦國之地域而又正其封疆勿使侵凌致地有孤邪

離絕而不正也註讀華爲佩喻之佩者兩頭寬中狹爲佩一頭寬

一頭狹爲邪投壺禮枉矢哨壺是佩邪不正之義故讀從之也

川王氏曰折而不絕爲華絕而不屬爲離無有華離則小易以守

大難以侵各有其上字而無交爭之患矣王平仲曰註疏釋華擊

似擊王明齋謂華者華折如華瓣也正與介而折而不絕之解相

合凡勢若犬牙則相維而形如華瓣則又易侵也王氏曰大司徒

建邦國以土圭土其地而制其域自諸公至子男多家有數形方

氏凡以成大司徒之職而已劉氏曰大司徒九法有均守平則以

安邦國之法則形方氏正其封疆以下是也若形方氏正之弗從然

後詔之司馬而九伐之法行矣愚按劉氏上下分訓而疏說以勿

使相侵致有華離爲解則上下固分而合也又按禮爲國君削瓜

諸王氏皆不從

註佩邪之解與

山師掌山林之名辨其物與其利害而頒之於邦國使致其珍異

之物此序山師中士二人之職也山林之名與物若羽吹夏翟輝

陽孤桐鄂林材木之類是也利害見職方頒者頒於下以理

食用之類致者致於

王以供膳服之類
川師掌川澤之名辨其物與其利害而頒之於邦國使致其珍異

之物此序川師中士二人之職也川澤之名與物如泗澗浮磬淮

國山川原隰之屬使出稅珍異以供王家也明齊王氏曰旅焚之

訓云不貴異物民乃足不實遺物則遠人格而此以致山林之珍

異爲言何耶蓋物性不同自有非常之物可以致用而不可必得

者故有則致之非以之供玩好而爲常貢也愚按二職掌辨山川

之名物與其利害而頒之邦國凡以使民貫利而遠害也此專職

也其或珍異可用則使致之而已此兼職也若謂政及焉爲其私

以役之聖王之爲
斯民者豈然哉
遵師掌四方之地名辨其丘陵墳衍遠隰之名物之可以封邑者

王鄭辨其以下十七字爲句註作物之以下七字爲句非○此序
通師中士二人之職也遷者下文丘陵墳衍濼隰之總詞非止高
平曰原而已疏謂除山林川澤而外餘皆主之是也地名如東原
大澤之類辨者臨川王氏謂辨其名以知平陂燥濕辨其物以知
其善惡也封邑通謂邦國都鄙之邑名山大澤不以封故辨之
也大司徒辨山林川澤丘陵墳衍原隰之名而辨其邦國都邑之
政而辨封之此亦以輔司徒而已○王氏曰五地名物與土宜土
化之屬司徒掌之然制畿封國施貢分職簡籍鄉民皆司馬事也
故賦方諸屬
掌之特詳

匡人掌達法則匡邦國而觀其愆使無敢反側以聽王命此序匡人中士

四人之職也法則則冢宰治官府都鄙之法則此指達之邦國而
言也匡之言正也愚姦也反側猶言背違知其愆而斷之則惟王
命是從而胥正也○劉氏曰此亦大司馬九伐之法之事也達
之匡之如是則諸侯之犯令陵政暴內陵外者不待於九伐矣

擯人掌誦王志道國之政事以然天下之邦國而誥之使萬民和

說而正王面說悅同○此序擯人中士四人之職也擯之言察也取也王之心發於士心見於政事而察取以告邦國也

而猶向也。德意昭人心，而皆向於王也。○雜說曰：古封建之法，五載一巡守，至周不能五載一行，故復有職方氏訓方氏，匡人彈人之官，以通達上下，使無壅蔽，逮漢或遺隔者，循行天下，是亦其遺意也。民情既通，上下不壅，治可爲矣。愚按此職與訓方氏匡人相表裏，但訓方氏以四方之政事與志達於上，而轉以訓於下，此則以王之志與政事，語於下，而因以親於上，而其視匡人職則德政之與則法轉移深淺，亦有間矣，此其異也。

都司馬掌都之士庶子及其衆庶車馬兵甲之戒令，以國法掌其

政學，以聽國司馬。政征同。○此序都司馬每都上中下士十四人

衆庶謂其人民車馬兵甲，通士庶子衆庶而言也。國法卽教士庶

子及其衆庶之法，政謂賦役之政學，謂道藝之教。國司馬卽大司

馬，以大司馬掌制軍選士，故聽之也。○東谷王氏曰：古者國之子

弟無時不知教，無處不有學，是在學校教於大司樂，進在王朝教

於師氏保氏，入而宿衛，有宮伯教之道藝，出而若守，有都司馬掌其政學，出入進退，教未嘗不行其間，非若後世教止庠序而已。明齋王氏曰：都家之士庶子，謂其兩鄰五大夫庶士之適子庶子也。衆庶謂應起徒役之人也，凡其車馬兵甲，都家司馬素相糾戒，反

徵兵則率以聽於大司馬朝大夫云此都家之治有不及者則誅其朝大夫在軍旅則誅其有司有司謂都家司馬也此周公取都家之法也愚按士庶子舊皆謂王朝之公卿大夫有都家者之適子衆子非如明齊王氏所謂有都家者之臣之適子衆子也然及公卿大夫之適子皆學於太學其衆子皆學於師氏保氏而又設諸子之官掌之此所謂諸子掌國子之倅者也則其不掌於都家司馬之官固明矣且諸子職又云其有車甲之大事則帥致於太子有司治其卒伍司馬勿征而都家司馬則云掌其士庶子及其衆庶以聽於司馬公司馬則其不得合二官而爲一職又明也宜明齊王氏爲攷而正之與

家司馬亦如之

云家司馬亦如之句係序官正文脫誤在此序職文云家司馬各使其臣以正於公司馬互錯在序官

說見序官之下今正之○此序家司馬每家上中下士十四人之職也其臣謂家臣也家司馬爲上官而其家臣爲私臣也正亦聽也都司馬掌其都之兵馬與政學以聽於國司馬家視都地近而役便故所掌兵馬政學之職各使其臣以正於公司馬而不惟掌其法以聽之也公司馬猶言國司馬但國司馬爲專視公司馬次之表官職與自其大僚奉王命至者稱國有司自其庶司不待王命而俱事稱公有司而已此亦其例也或乃謂公司馬卽爲國司馬之變稱則職喪之國有司公有司並列一職者不得通矣○明

齊王氏曰夏官一職虞廷未有專官中古設夏官掌教專統六師然觀職方險阻等職皆主於控制海內以不抵於亂爲務兵甲等司必先於自衛凡諸子司上射人之屬皆以辨論官杖大僕等官比侍御僕從皆主於格王正厥事則伐無道誅不義以方夏又安與賢進功爲貴一正君而後可以正天下也聖人制兵之始如此故非恃天地好生之德者不可語兵非有剛大浩然之氣者不足用兵夫豈勇夫悍卒可與議周禮夏官之旨哉